

隨園全集

飲水詞鈔
箏船詞選
捧月樓詞選

隨園全集之三十二

飲水詞鈔

陳蓬書



中華民國十年
上海商務印書館
總發行所

飲水詞鈔序

夫東笙西頰奏韶樂而同音圓璧方珪本黃鍾而合度蓋尺寸所積銖黍必侔清濁自分宮商終協自來彙集咸此肇端爰逮倚聲厥有同揆匹如七襄之錦纂雜組以相鮮四照之花發駢枝而益豔此汪紫珊太守七家詞鈔之所爲刻也太守抱蘭茝之懷深烟霞之契幽篁獨詣芬芳自標夙於歌詞尤所篤嗜作東澤綺語悅魄動魂暢南宋宗風超心結緒固已脩飾琴雅耀豔詞壇矣茲復合朋簪之近製作簫譜之新編載酒題襟不盡漁樵之侶尋烟狎月大都山水之鄉東南勝流約畧具是徽徽乎衆美臻焉間考詩變爲詞先傳蘭畹詞總爲集首著花間下逮曾樾雅詞黃昇妙選草堂則調分長短梅苑則錄取宋唐周草窗之采掇菁華朱竹垞之甄綜繁富皆備歷代之遺音未標一時之雅範今觀是集之成洵足後來居上至其詞或極要眇纏綿之致或託夷靡案衍之音或秀出梅溪神超意象或癡同竹屋語感情靈體物則精思冥搜寫春融冶賦景則孤懷遞觸夢雨蕭聊皆可作溫李之嗣音循姜張之逸軌讀者自能領之無俟余之贅述爾七家者陽湖劉芙初錢塘袁蘭邨無錫顧蘭塘上元汪鄭樓儀徵汪竹素金匱楊浣薌及太守之作也嘉慶己卯春三月海寧楊文蓀拜序

飲水詞鈔卷上

長白納蘭性德容著 原名成德

錢唐袁通蘭村選錄

江城子

濕雲全壓數峯低影淒淒迷望中疑非霧非煙神女欲來時若問生涯原是夢除夢裏没人知

采桑子

彤霞久絕飛瓊字人在誰邊人在誰邊今夜玉清眠不眠 香消被冷殘燈滅靜數秋天靜

數秋天又誤心期到下弦

又

誰翻樂府淒涼曲風也蕭蕭雨也蕭蕭瘦盡燈花又一宵 不知何事縈懷抱醒也無聊醉

也無聊夢也何曾到謝橋

又

嚴霜擁絮頻驚起撲面霜空斜漢朦朧冷逼氈帷火不紅 香篝翠被渾閒事回首西風何

處疎鐘一稷燈花似夢中

又

冷香縈遍紅橋夢夢覺城笳月上桃花雨歇春寒燕子家 筵篋別後誰能鼓腸斷天涯暗

損韶華一縷茶煙透碧紗

又

詠春雨

嫩煙分染鵝兒柳一樣風絲似整如欵纔著春寒瘦不支
涼侵曉夢輕蟬膩約略紅肥不
惜歲蕤碾取名香作地衣

又

塞上詠雪花

非關癖愛輕模樣冷處偏佳別有根芽不是人間富貴花
謝娘別後誰能惜飄泊天涯寒
月悲笳萬里西風瀚海沙

又

桃花羞作無情死感激東風吹落嬌紅飛入閒窗伴懊儂
誰憐辛苦東陽瘦也爲春慵不
及芙蓉一片幽情冷處濃

又

撥箏書盡紅箋也依舊無聊玉漏迢迢夢裏寒花隔玉簫
幾竿修竹三更雨葉葉蕭蕭分
付秋潮莫誤雙魚到謝橋

又

涼生露氣湘絃潤暗滴花梢簾影誰搖燕蹴風絲上柳條
舞餘鏡匣閒頻掩檀粉慵調朝
淚如潮昨夜香衾覺夢遙

又

土花曾染湘娥黛鉛淚難消清韻誰敲不是犀椎是鳳翹
祇應長伴端溪紫割取秋潮鴨
鷓鴣教方響前號見玉簫

又
謝家庭院殘更立燕宿雕梁月度銀牆不辨花叢那辨香
歇微涼十一年前夢一場
此情已自成追憶零落鴛鴦雨

而今纔道當時錯心緒
迷紅淚偷垂滿眼春風百事非
情知此後來無計強說歡期一
別如斯落盡梨花月又西

臺城路

洗妝臺懷古

六宮佳麗誰曾見層臺尙臨芳渚露脚斜飛虹腰欲斷荷葉未收殘雨添妝何處試問取雕籠雪衣分付一鏡空濛鴛鴦拂破白蘋去相傳內家結束有帕裝孤穩鞦韆縫女古冷豔全消蒼苔玉匣翻出十眉遺譜人間朝暮看臙粉亭西幾堆塵土只有花鈴綰風深夜語

又

上元

闌珊火樹魚龍舞望中寶釵樓遠韎韐餘紅琉璃賸碧待屬花歸緩緩寒輕漏淺正乍斂煙霏隕星如箭舊事驚心一雙蓮影藕絲斷莫恨流年逝水恨銷殘蝶粉韶光忒賤細語吹香暗塵籠鬢都逐曉風零亂闌干敲遍問簾底纖纖甚時重見不解相思月華今夜滿

又

塞外七夕

白狼河北秋偏早，星橋又迎河鼓。清漏頻移，微雲欲濕，正是金風玉露。兩眉愁聚，待歸踏榆花那時，纔訴只恐重逢。明明相視更無語。人間別離無數，向堆筵瓜果，碧天凝竚。連理干花相思一葉，畢竟隨風何處。羈棲良苦，算未抵空房冷香啼曙。今夜天孫笑人愁似許。

玉連環影

何處幾葉蕭蕭雨，濕盡簷花花底人。無語掩屏山，玉爐寒誰見。兩眉愁聚倚闌干。

洛陽春

雪

密灑征鞍無數，冥迷遠樹亂山重疊。杳難分似五里濛濛霧。惆悵鎖窗深處，濕花輕絮。當時悠颺得人憐也，都是濃香助。

謁金門

風絲裊水浸碧天，清曉一鏡濕雲青。未了雨晴春草草，夢裏輕螺誰掃。簾外落花紅小，獨睡起來，悄悄悄悄寄愁何處好。

圓和香

麥浪翻晴風颭柳，已過傷春候。因甚爲他成僝僽。畢竟是春拖逗。紅藥闌邊攜素手，暖語濃於酒。盼到園花鋪似繡，却更比春前瘦。

金盞對芙蓉

上元

金鴨消香銀虬瀉水，誰家玉笛飛聲。正上林雪霽，鴛鴦晶瑩，魚龍舞罷。香車杏牘，尊前袖掩。

吳綾狂游似夢而今空記密約燒燈 追念往事難憑歎火樹星橋回首飄零但九達煙月
依舊朧明楚天一帶驚烽火問今宵可照江城小牕殘酒闌珊燈炮別自關情

點絳脣

對月

一種蛾眉下弦不似初弦好庾郎未老何事傷心早 素壁斜輝竹影禳牕掃空房悄烏啼
欲曉又下西樓了

又

黃花城早望

五夜光寒照來積雪平於棧西風何限自起披衣看 對此茫茫不覺成長歎何時且曉星
欲散飛起平沙鴈

又

小院新涼晚來頓覺羅衫薄不成孤酌形影空酬酢 蕭寺憐君別緒應蕭索西風惡夕陽
吹角一陣槐花落

浣溪沙

消息誰傳到拒霜兩行斜鴈碧天長晚秋風景倍淒涼 銀蒜押簾人寂寂玉釵敲竹信茫
茫黃花開也近重陽

又

雨歇梧桐淚乍收遣懷翻自憶從頭摘花銷恨舊風流 簾影碧桃人已去屢痕蒼蘚徑空

留兩眉何處月如鉤

又

欲問紅梅瘦幾分只看愁損翠羅裙
麝篝衾冷惜餘熏
登枇杷花下校書人

可奈暮寒長倚竹便教春好不開

又

淚浥紅箋第幾行喚人嬌鳥怕開窗
那能閒過好時光
香遍翻眉譜只尋常

屏障厭看金碧畫羅衣不奈水沉

又

殘雪凝輝冷畫屏落梅橫笛已三更
更無人處月朧明
橫斷腸聲裏憶平生

我是人間惆悵客知君何事淚縱

又

睡起惺忪強自支綠傾蟬鬢下簾時
夜來愁損小腰肢
差更兼何事耐尋思

遠信不歸空佇望幽期細數却參

又

五月江南麥已稀黃梅時節雨霏微
閒看燕子教雛飛
暉湔裙誰獨上漁磯

一水濃陰如罨畫數峯無恙又晴

又

誰道飄零不可憐舊游時節好花天
斷腸人去自今年

一片暈紅纔著雨幾絲柔綠乍和

烟倩魂銷盡夕陽前

又

詠五更和湘真韻

微暈嬌花濕欲流
簾紋燈影一生愁
夢回疑在遠山樓
簾鉤待聽鄰女喚梳頭

殘月暗窺金屈戌
軟風徐蕩玉

又

五字詩中目乍成
儘教殘福折書生
手按裙帶那時情
愁并夕陽依舊小窗明

別後心期和夢杳
年來悴懽與

又

記縮長條欲別難
盈盈自此隔銀灣
便無風雪也摧殘
春旛不禁辛苦況相關

青雀幾時裁錦字
玉蟲連夜翦

又

誰念西風獨自涼
蕭蕭黃葉閉疎牕
沉思往事立殘陽
茶香當時止道是尋常

被酒莫驚春睡重
賭書消得潑

又

蓮漏三聲燭半條
杏花微雨濕紅綃
那將紅豆記無聊
如潮離魂入夜倩誰招

春色已看濃似酒
歸期安得信

又

身向雲山那畔行北風吹斷馬嘶聲深秋遠塞若爲情
關城古今幽恨幾時平

又

古北口

楊柳千條送馬蹄北來征鴈向南飛客中誰與換春衣
游絲信回剛道別多時

又

鳳髻拋殘秋草生高梧濕月冷無聲當時七夕記深盟
傾城人間空唱雨淋鈴

又

敗葉填溪水已冰夕陽猶照短長亭何年廢寺失題名
前燈淨銷塵土禮金經

又

庚申除夜

收取閒心冷處濃舞裙猶憶柘枝紅誰家刻燭待春風
金蟲風流端合倚天公

又

腸斷班騅去未還繡屏深鎖鳳簫寒一春幽夢有無閒

一抹晚煙元戍壘半竿斜日舊

終古閒情歸落照一春幽夢逐

信得羽衣傳鈿合悔教羅襪葬

倚馬客臨碑上字鬪雞人撥佛

竹葉樽空翻綵燕九枝燈炮鷗

逗雨疎花濃淡改關心芳草淺

深難不成風月轉摧殘

又

旋拂輕容寫洛神須知淺笑是深顰十分天與可憐春

掩抑薄寒施軟障抱持纖影藉

芳茜未能無意下香塵

又

十二紅簾宰地深纔移剗轆又沉吟晚晴天氣惜輕陰

珠玑佩囊三合字寶釵攏髻兩

分心定緣何事濕蘭襟

又

紅橋懷古和王阮亭韻

無恙年年汴水流一聲水調短亭秋舊時明月照揚州

曾是長隄牽錦纜綠楊清瘦至

今愁玉鉤斜路近迷樓

風流子

秋郊即事

平原草枯矣重陽後黃葉樹騷騷記玉勒青絲落花時節曾逢拾翠忽聽吹簫今來是燒痕
殘碧盡霜影亂紅凋秋水映空寒煙如織皂雕飛處天慘雲高 人生須行樂君知否容

易兩鬢蕭蕭自與東君作別剗地無聊算功名何許此身博得短衣射虎沽酒西郊便向夕
陽影裏倚馬揮毫

蝶戀花

辛苦最憐天上月一昔如環昔昔都成缺若似月輪終皎潔不辭冰雪爲卿熱
緣容易絕燕子衣然軟踏簾鉤說唱罷秋墳愁未歇春叢認取雙棲蝶

無那塵

又

眼底風光留不住和暖花香又上雕鞍去欲倩煙絲遮別路垂楊那是相思樹
顏成間阻何事東風不作繁華主斷帶依然留乞句班驂一繫無尋處

惆悵玉

又

又到綠楊曾折處不語垂鞭踏遍清秋路衰草連天無意緒雁聲遠向蕭關去
涯行役苦只恨西風吹夢成今古明日客程還幾許露衣況是新寒雨

不恨天

又

蕭瑟蘭成看老去爲怕多情不作憐花句閣淚倚花愁不語暗香飄盡知何處
時明月路袖口香寒心比秋蓮苦休說生生花裏住借花人去花無主

重到舊

又

露下庭柯蟬響歇紗碧如烟烟裏玲瓏月並著香肩無可說櫻桃暗解丁香結
衫魚子纈試撲流螢驚起雙棲蝶瘦斷玉腰沾粉葉人生那不相思絕

笑捲輕

又

出塞

今古河山無定據畫角聲中牧馬頻來去滿目荒涼誰可語西風吹老丹楓樹
前何處訴鐵馬金戈青塚黃昏路一往情深深幾許深山夕照深秋雨

幽怨從

又

盡日驚風吹木葉極目嵯峨一丈天山雪去去丁零愁不絕那堪客裏還傷別
愁容易輟除是朱顏不共春銷歇一紙鄉書和淚摺紅闈此夜團圓月
若道客

河傳

春淺紅怨掩雙環微雨花間畫閒無言暗將紅淚彈闌珊香銷輕夢還
事皆不是空作相思字記當時垂柳絲花枝滿庭胡蝶兒
斜倚畫屏思在

河瀆神

涼月轉雕闌蕭蕭木葉聲乾銀燈飄落瑣窗閒枕屏幾疊秋山
朔風吹透青練被藥爐
火煖初沸清漏沉沉無寐爲伊判得憔悴

又

風緊雁行高無邊落木蕭蕭楚天魂夢與香消青山暮暮朝朝
斷續涼雲來一縷飄墮
幾絲露雨今夜冷紅浦激鶯棲向何處

落花時

夕陽誰喚下樓梯一握香萸回頭忍笑堦前立總無語也依依
箋書直恁無憑據休說
相思勸伊好向紅牕醉須莫及落花時

金縷曲

贈梁汾

德也狂生耳偶然間縈塵京國烏衣門第有酒惟澆趙州士誰會成生此意不信道竟逢知

已青眼高歌俱未老向樽前拭盡英雄淚君不見月如水
共君此夜須沉醉且由他蛾眉謠詠古今同忌身世悠悠何足問冷笑置之而已尋思起從頭翻悔一日心期千劫在後
身緣恐結他生裏然諾重君須記

又

美西溟言別賦此贈之

誰復留君住嘆人生幾番離合便成遲暮最憶西牕同翦燭却話家山夜雨不道只暫時相
聚袞袞長江蕭蕭木送遙天白雁哀鳴去黃葉下秋如許 曰歸因甚添愁緒料強似冷
烟寒月栖遲梵宇一事傷心君落魄兩鬢飄蕭未遇有解憶長安兒女裘敝入門空太息信
古來才命真相負身世恨共誰語

又

簡梁汾

灑盡無端淚莫因他瓊樓寂寞誤來人世信道癡兒多厚福誰遣偏生明慧孰更著浮名相
累仕宦何妨如斷梗只那將聲影供羣吠天欲問且休矣 情深我自拚憔悴轉丁甯香
憐易蕪玉憐輕碎羨殺輭紅塵裏客一味醉生夢死歌與哭任猜何意絕塞生還吳季子算
眼前此外皆閒事知我者梁汾耳

又

寄梁汾

木落吳江矣正蕭條西風南雁碧雲千里落魄江湖還載酒一種悲涼滋味重回首莫彈酸

淚不是天公教棄置是才華誤却方城尉飄泊處誰相慰
別來我亦傷孤寄更那堪冰
霜摧折壯懷都廢天遠難窮勞望眼欲上高樓還已君莫恨埋愁無地秋雨秋花關塞冷且
殷勤好作加餐計人豈得長無謂

又

再贈梁汾用秋水軒舊韻

酒沈青衫卷儘從前風流京兆閒情未遣江左知名今廿載枯樹淚痕休泣搖落盡玉蛾金
繭多少殷勤紅葉句御溝深不似天河淺空省識畫圖展
高才自古難通顯枉教他堵
牆落筆凌雲書扁入洛游梁重到處駭看村莊吠犬獨憔悴斯人未免袞袞門前題鳳客竟
居然潤色朝家典憑觸忌舌難翦

又

生怕芳樽滿到更深迷離醉影殘燈相伴依舊回廊新月在不定竹聲掾亂問愁與春宵長
短人比疎花還寂寞任紅蕤落盡應難管向夢裏聞低喚
此情擬倩東風浣奈吹來餘
香病酒旋添一半惜別江郎渾易瘦更著輕寒輕暖憶絮語縱橫茗椀滴滴西窗紅蠟淚那
時腸早爲而今斷任角枕欹孤館

又

慰西溟

何事添悽咽但由他天公簸弄莫教磨涅失意每多如意少終古幾人稱屈須知道福因才
折獨臥藜牀看北斗背高城玉笛吹成血聽譙鼓二更徹
丈夫未肯因人熱且乘閒五

湖料理扁舟一葉淚似秋霖揮不盡灑向野田黃蝶須不羨承明班列馬跡車塵忙未了任
西風吹冷長安月又蕭寺花如雪

又

亡婦忌日有感

此恨何時已滴空塔寒更雨歇葬花天氣三載悠悠魂夢杳是夢久應醒矣料也覺人間無
味不及夜臺塵土隔冷清清一片埋愁地釵鈿約定拋棄重泉若有雙魚寄好知他年
來苦樂與誰相倚我自終宵成轉側忍聽湘絃重理待結箇他生知己還怕兩人俱薄命再
緣慳剩月零風裏清淚盡紙灰起

瑞鶴仙

丙辰生日自壽起用彈指語句并呈見陽

馬齒加長矣枉碌碌乾坤問汝何事浮名總如水判樽前杯酒一生長醉殘陽影裏問歸鴻
歸來也未且隨緣去住無心冷眼華亭鶴唳無寐宿醒猶在小玉來言日高花睡明月
欄干曾說與應須記是蛾眉便自供人嫉妬風雨飄殘花蕊歎光陰老我無能長歌而已

踏莎美人

清明

拾翠歸遲踏青期近香箋小疊鄰姬訊櫻桃花謝已清明何事綠鬟斜鞦韆寶釵橫
淺黛
雙彎柔腸幾寸不堪更惹青春恨曉牕窺夢有流鶯也覺箇儂憔悴可憐生

紅窗月

燕歸花謝早因循又過清明是一般風景兩樣心情猶記碧桃影裏誓三生
烏絲闌紙
嬌紅篆歷歷春星道休孤密約鑿取深盟語罷一絲香露濕銀屏

南歌子

翠袖凝寒薄簾衣入夜空病容扶起月明中惹得一絲殘篆舊薰籠
暗覺歡期過遙知
別恨同疎花已是不禁風那更夜深清露濕愁紅

又

暖護櫻桃蕊寒翻蝶翎東風吹綠漸冥冥不信一生憔悴伴啼鶯
素影飄殘月香絲
拂綺櫺百花迢遞玉釵聲索向綠窗尋夢寄餘生

又

古戍

古戍飢烏集荒城野雉飛何年劫火剩殘灰試看英雄碧血滿龍堆
玉帳空分疊金笳
已罷吹東風回首盡成非不道興亡命也豈人爲

赤棗子

驚曉漏護春眠格外嬌慵止自憐寄語釀花風日好綠窗來與上琴絃

眼兒媚

獨倚春寒掩夕扉清露泣銖衣玉簫吹夢金釵劃影悔不同攜
刻殘紅燭曾相待舊事
總依稀料應遺恨月中教去花底催歸

又

重見星娥碧海楂，忍笑却盤鴉。尋常多少月明風細，今夜偏佳。已三搵烟絲欲裊，露光微泣，春在桃花。

休籠彩筆閒書字，街鼓

荷葉杯

簾捲落花如雪，烟月誰在小紅亭。玉釵敲竹乍聞聲，風影略分明。不隔枕函邊一聲，將息曉寒天。腸斷又今年。

化作彩雲飛去何處

木蘭花令

擬古決絕詞

人生若只如初見，何事秋風悲畫扇。等閒變却故人心，却道故人心易變。宵半淚雨零鈴終不怨，何如薄倖錦衣郎。比翼連枝當日願。

驪山雨罷清

長相思

山一程，水一程，身向榆關那畔行，夜深千帳燈。

風一更，雪一更，聒碎鄉心夢不成，故園

無此聲。

尋芳草

蕭寺記夢

客夜怎生過，夢相伴，綺窗冷和薄。嗔佯笑道：若不是恁淒涼，肯來麼。待曉鐘敲破，乍偃人，一閃燈花墮。却對著琉璃火。

來去苦怱怱，準擬

還方怨

欵角枕掩紅窗夢，到江南。伊家博山沉水香。浣裙歸晚坐，思量輕烟籠淺黛，月茫茫。

秋千索

淥水亭春望

墻邊喚酒雙鬢亞春已到賣花簾下一道香塵碎綠蘋看白袷親調馬
挂賸幾筆晚晴圖畫半枕芙蓉塵浪眠聽不盡鶯兒話

烟絲宛宛愁縈

又

藥闌攜手銷魂侶爭不記看承人處除向東風訴此情奈竟日春無語
絮又百五韶光難住滿地梨花似去年却多了廉纖雨

悠揚撲盡風前

又

游絲斷續東風弱悄無語半垂簾幕茜袖誰招曲檻邊弄一縷秋千索
薄春欲盡纖腰如削新月纔堪照獨愁却又照梨花落

惜花人共殘春

好事近

簾外五更風消受曉寒時節剛剩秋衾一半擁透簾殘戶
別擬把傷離情緒待曉寒重說

爭教清淚不成冰好處便輕

又

馬首望青山零落繁華如此再向斷烟衰草認蘚碑題字
淚斜日十三陵下過新豐獵騎

休尋折戟話當年只灑悲秋

太常引

自題小照

西風乍起峭寒生驚雁避移營千里暮雲平休回首長亭短亭
例冷清清試倩玉簫聲喚千古英雄夢醒

無窮山色無邊往事一

又

晚來風起撼花鈴人在碧山亭愁裏不堪聽那更雜泉聲雨聲
說與多情夢也不分明又何必催教夢醒

無憑蹤跡無聊心緒誰

山花子

林下荒苔道韞家生憐玉骨委塵沙愁向風前無處說數歸鴉
冷雨葬名花魂似柳絲吹欲碎繞天涯

半世浮萍隨逝水一宵

又

風絮飄殘已化萍泥蓮剛倩藕絲縈珍重別拈香一瓣記前生
眞箇悔多情又到斷腸回首處淚偷零

人到情多情轉薄而今

又

欲話心情夢已闌鏡中依約見春山方悔從前眞草草等閒看
何意寄人間多少滴殘紅蠟淚幾時乾

環佩只應歸月下鈿釵

又

小立紅橋柳半垂越羅裙颺縷金衣採得石榴雙葉子欲遺誰
無伴送斜暉寄語東風休著力不禁吹

便是有情當落日只應

菩薩蠻

窗前桃蕊嬌如倦東風淚洗胭脂面人在小紅樓離情唱石州
綠香盡雨闌珊薄衾寒不寒

夜來雙燕宿燈背屏腰

又

朔風吹散三更雪倩魂猶戀桃花月夢好莫催醒由他好處行
薄塞馬一聲嘶殘星拂大旗

無端聽畫角枕畔紅冰

又

問君何事輕離別一年能幾團圓月楊柳乍如絲故園春盡時
隔舊事逐寒潮啼鶉恨未消

春歸歸不得兩槩松花

又

爲陳其年題照

烏絲曲倩紅兒譜蕭然半壁驚秋雨曲罷髻鬟偏風姿真可憐
劇背立訝卿卿知卿無那情

鬢髻渾似戟時作簪花

又

宿灤河

玉繩斜轉疑清曉淒淒白月漁陽道星影漾寒沙微茫織浪花
睡無數紫鴛鴦共嫌今夜涼

金笳鳴故壘喚起人難

又

荒雞再唱天難曉星榆落盡秋將老氈幕繞牛羊敲冰飲酪漿

山程兼水宿漏點清鈺

續正是夢回時擁衾無限思

又

新寒中酒敲窗雨殘香細裊秋情緒纔道莫傷神青衫濕一痕
過記得別伊時桃花柳萬絲

又

驚飈掠地冬將半解鞍正值昏鴉亂冰合大河流茫茫一片愁
上明日近長安客心愁未闌

又

蕭蕭幾葉風兼雨離人偏識長更苦欹枕數秋天蟾蜍早下弦
落無處不傷心輕塵在玉琴

又

迴文

霧窗寒對遙天暮暮天遙對寒窗霧花落正啼鴉鴉啼正落花
袖風剪一絲紅紅絲一翦風

又

催花未歇花奴鼓酒醒已見殘紅舞不忍覆餘觴臨風淚數行

只月也異當時淺清照鬢絲

又

無聊成獨臥彈指韶光

燒痕空極望鼓角高城

夜寒驚被薄淚與燈花

袖羅垂影瘦瘦影垂羅

粉香看又別空賸當時

惜春春去驚新煥粉融輕汗紅綿撲妝罷只思眠江南四月天
絕行度竹林風單衫杏子紅

綠陰簾半揭此景清幽

又

榛荆滿眼山城路征鴻不爲愁人住何處是長安濕雲吹雨寒
淚淚向客中多歸時又奈何

絲絲心欲碎應是悲秋

又

曉寒瘦著西南月丁丁漏箭餘香咽春已十分宜東風無是非
冷誰唱後庭花新年憶舊家

蜀魂羞顧影玉照斜紅

又

爲春恹恹留春住那禁半霎催歸雨深巷賣櫻桃雨餘紅更嬌
泊消得一聲鶯東風三月情

黃昏清淚閣忍便花飄

又

隔花纔歇廉纖雨一聲彈指渾無語梁燕自雙歸長條脈脈垂
淺獨立瑤階透寒金縷鞦

小屏山色遠妝薄鉛華

又

黃雲紫塞三千里女牆西畔啼鳥起落日萬寒山蕭蕭獵馬還
黑秋夢不歸家淺燈落碎花

笳聲聽不得入夜空城

又

晶簾一片傷心白雲鬢香霧成遙隔無語問添衣桐陰月已西
睡只是去年秋如何淚欲流

西風鳴絡緯不許愁人

又

寄梁汾茗中

知君此際情蕭索黃蘆苦竹孤舟泊煙白酒旗青水村魚市晴
送直過畫眉橋錢塘江上潮

柁樓今夕夢脈脈春寒

又

烏絲畫作迴文紙香煤暗蝕藏頭字箚雁十三雙輸他作一行
憶索性不還家落殘紅杏花

相看仍似客但道休相

又

闌風伏雨催寒食櫻桃一夜花狼籍剛與病相宜鎖窗薰繡衣
喚半晌試開闕嬌多直自嫌

畫眉煩女伴央及流鶯

醉桃源

斜風細雨正霏霏畫簾拖地垂屏山幾曲篆香微閒庭柳絮飛
日啼餘寒欲透縷金衣落花郎未歸

新綠密亂紅稀乳鶯殘

昭君怨

深禁好春誰惜薄暮瑤階佇立別院管絃聲不分明
寂鎖朱門夢承恩

又是梨花欲謝繡被春寒今夜寂

飲水詞鈔卷上終

長白納蘭性德若著 原名成麟

錢唐袁通蘭村選錄

鬻琵琶

中秋

碧海年年試問取冰輪爲誰圓缺吹到一片秋香清輝了如雪愁中看好天良夜知道盡成
悲咽隻影而今那堪重對舊時明月 花徑裏戲捉迷藏曾惹下蕭蕭井梧葉記否輕紈
小扇又幾番涼熱止落得填膺百感總茫茫不關離別一任紫玉無情夜寒吹裂

清平樂

淒淒切切慘淡黃花節夢裏砒聲渾未歇那更亂蛩悲咽 塵生燕子空樓拋殘絃索牀
頭一樣曉風殘月而今觸緒添愁

又

烟輕雨小望裏青難了一縷斷虹垂樹杪又是亂山殘照 憑高目斷征途暮雲千里平
蕪日夜河流東下錦書應託雙魚

又

孤花片葉斷送清秋節寂繡屏香篆滅暗裏朱顏消歇 誰憐散髻吹笙天涯芳草關
情懊惱隔簾幽夢半窗風月縱橫

又

將愁不去秋色行難住六曲屏山深院字日日風風雨雨 雨晴籬菊初香人言此日重

陽回首涼雲暮葉黃昏無限思量

又

風鬟雨鬢偏是來無準倦倚玉欄看月暈容易語低香近
涯從此傷春傷別黃昏只對梨花

輕風吹過窗紗心期便隔天

又

憶梁汾

纔聽夜雨便覺秋如許遠砌蛩蛩人不語有夢轉愁無據
方知否小窗紅燭照人此夜淒涼

亂山千疊橫江憶君游倦何

又

塞鴻去矣錦字何時寄記得燈前伴忍淚却問明朝行未
堆一種曉寒殘夢淒涼畢竟因誰

別來幾度如珪飄零落葉成

一叢花

詠並蒂蓮

闌珊玉珮罷霓裳相對縮紅妝藕絲風送凌波去又低頭軟語商量一種情深十分心苦脈
脈背斜陽 色香空盡轉生香明月小銀塘桃根桃葉終相守伴殷勤雙宿鴛鴦菰米漂
殘沈雲乍黑同夢寄瀟湘

淡黃柳

詠柳

三眠未歇乍到秋時節一樹斜陽蟬更咽會館瀟陵離別絮已爲萍風捲葉空淒切
條莫輕折蘇小恨倩他說儘飄零游冶章臺客紅板橋空湔裙人去依舊晚風殘月

長

洞仙歌

詠黃葵

鉛華不御看道家妝就問取旁人入時否爲孤情淡韻判不宜春矜標格開向晚秋時候
無端輕薄雨滴損檀心小疊宮羅鎮長皺何必訴淒清爲愛秋光被幾日西風吹瘦便零落
蜂黃也休嫌且對倚斜陽勝偎紅袖

唐多令

雨夜

絲雨織紅茵苔堦壓繡紋是年年腸斷黃昏到眼芳菲都惹恨那更說塞垣春
堪聞殘妝擁夜分爲梨花深掩重門夢向金微山下去纔識路又移軍

蕭颯不

秋水

聽雨

誰道破愁須仗酒酒醒後心翻醉正香銷翠被隔簾驚聽那又是點點絲絲和淚憶翦燭幽
窗小憩嬌夢垂成頻喚覺一睚秋水 依舊亂蛩聲裏短檠明滅怎教人睡想幾年蹤跡
過頭風浪只消受一段橫波花底向擁髻燈前提起甚日還來同領略夜雨空堦滋味

虞美人

峯高獨石當頭起影落雙溪水馬嘶人語各西東行到斷崖無路小橋通

朔鴻過盡歸

期杳人向征鞍老又將絲淚濕斜陽回首十三陵樹暮雲黃

又

黃昏又聽城頭角病起心情惡藥爐初沸短檠青無那殘香半縷惱多情
多病清鏡憐清影一聲彈指淚如絲央及東風休遣玉人知

多情自古原

又

憑君料理花間課莫負當初我眼看雞犬上天梯黃九自招秦七共泥犁
肥好判任癡肥笑笑他多病與長貧不及諸公袞袞向風塵

瘦狂那似癡

又

殘燈風滅爐烟冷相伴惟孤影判教狼藉醉清樽爲問世間醒眼是何人
間酒飲罷空搔首閒愁總付醉來眠只恐醒時依舊到樽前

難逢易散花

又

春情只到梨花薄片片催零落夕陽何事近黃昏不道人間猶有未招魂
時句密縮同心縷爲伊判作夢中人長向畫圖清夜喚眞眞

銀箋別記當

又

曲闌深處重相見勻淚偎人顫淒涼別後兩應同最是不勝清怨月明中
眠遠山枕檀痕浣憶來何事最銷魂第一折枝花樣畫羅裙

半生已分孤

又

彩雲易向秋空散燕子憐長嘆幾番離合總無因贏得一回儂恁一回親

歸鴻舊約霜

前至可寄香箋字不如前事不思量且枕紅氍欹側看斜陽

又

銀牀浙瀝青梧老屨粉秋蛩埽採香行處蹙連錢拾得翠翹何恨不能言
思地落月成孤倚背鏡和月就花陰已是十年蹤跡十年心

回廊一寸相

雨中花

送藝初歸崑山

天外孤帆雲外樹看又是春隨人去水驛燈昏關城月落不算淒涼處
暮打疊起傷心無數中坐波濤眼前冷暖多少人難語

計程應惜天涯

臨江仙

絲雨如塵雲著水嬌香碎拾吳宮百花冷暖避東風酷憐嬌易散燕子學偎紅
宜隨月減慳慳却與春同可能留蝶抱花叢不成雙夢影翻笑杏梁空

人說病

又

長記碧紗窗外語秋風吹送歸鴉片帆從此寄天涯一燈新睡覺思夢月初斜
歸歸未得不如燕子還家春雲春水帶輕霞畫船人似月細雨落楊花

便是欲

又

塞上得家報云秋海棠開矣賦此

六曲闌干三夜雨倩誰護取嬌慵可憐寂寞粉牆東已分裙袂綠猶裹淚綃紅
邊斜落下半牀涼月惺忪舊歡如夢魂中自然腸欲斷何必更秋風

曾記鬢

又

盧龍大樹

雨打風吹都似此將軍一去誰憐畫圖曾見綠陰圓舊時遺鏃地今日種瓜田
枝猶在否蕭蕭欲下長川九秋黃葉五更烟止應搖落盡不必問當年

繫馬南

又

寒柳

飛絮飛花何處是層冰積雪摧殘疎疎一樹五更寒愛他明月好憔悴也相關
絲搖落後轉教人憶春山滿裙夢斷續應難西風多少恨吹不散眉彎

最是繁

又

帶得些兒前夜雪凍雲一樹垂垂東風回首不勝悲葉乾絲未盡未死只顰眉
泥亭子外纖腰舞困因誰如今寂寞待人歸明年依舊綠知否繫斑騅

可憶紅

又

寄嚴蓀友

別後閒情何所寄初鶯早鴈相思如今憔悴異當時飄零心事殘月落花知
江上路分明却到梁溪匆匆剛欲話分攜香消夢冷窗白一聲雞

生小不知

又

永平道中

獨客單衾誰念我曉來涼雨颼颼槭書欲寄又還休箇儂憔悴禁得更添愁

曾記年年

三月病而今病向深秋
盧龍風景白人頭
藥爐烟裏支枕聽河流

鬢雲鬆令

枕函香花徑漏依約相逢
絮語黃昏後時節薄寒人病酒
剗地梨花徹夜東風瘦
屏垂翠袖何處吹簫脈脈情微
逗腸斷月明紅豆
蔻月似當時人似當時否

掩銀

又

詠浴

鬢雲鬆紅玉瑩早月多情
送過梨花影半响斜釵慵未整
暈入輕潮剛愛微風醒
清人語靜怕被郎窺移却青鸞鏡
羅襪凌波波不定小扇單衣可奈
星前冷

露華

於中好

獨背殘陽上小樓
誰家玉笛韻偏幽
一行白雁遙天暮
幾點黃花滿地秋
浮穠華如夢水東流
人間所事堪惆悵
莫向橫塘問舊游

驚節序嘆沉

又

雁帖寒雲次第飛
向南猶自怨歸遲
誰能瘦馬關山道
又是西風撲鬢時
依更無芳樹有烏啼
憑將掃黛窗前月
持向今朝照別離

人杳杳思依

又

別緒如絲睡不成
那堪孤枕夢邊城
因聽紫塞三更雨
却憶紅樓半夜燈
明天將愁味釀多情
起來呵手封題處
偏到鴛鴦兩字冰

書鄭重恨分

又

十月初四夜風雨其明日是亡婦生辰

塵滿疎簾素帶飄真成暗度可憐宵幾回偷拭青衫淚忽傍犀籤見翠翹
聊五更依舊落花朝衰楊葉盡絲難盡冷雨淒風冪畫橋

惟有恨轉無

又

冷露無聲夜欲闌棲鴉不定朔風寒生憎畫鼓樓頭急不放征人夢裏還
彎無人起向月中看明朝匹馬相思處知隔千山與萬山

秋淡淡月彎

又

送梁汾南還爲題小影

握手西風淚不乾年來多在別離間遙知獨聽燈前雨轉憶同看雪後山

憑寄語勸加

餐桂花時節約重還分明小像沉香縷一片傷心欲畫難

南鄉子

搗衣

鴛瓦已新霜欲寄寒衣轉自傷見說征夫容易瘦端相夢裏回時仔細量
且拭清砧就月光已是深秋兼獨夜淒涼月到西南更斷腸

支枕怯空房

又

爲亡婦題照

淚咽更無聲止向從前悔薄情憑仗丹青重省識盈盈一片傷心畫不成
午夜鷓鴣夢早醒卿自早醒儂自夢更更泣盡風簷夜雨鈴

別語忒分明

又

柳溝曉發

燈影伴鳴梭織女依然怨隔河曙色遠連山色起青螺回首微茫憶翠蛾
料抵秋閨一半多一世疎狂應爲著橫波作箇鴛鴦消得麼

淒切客中過

又

烟暖雨初收落盡繁華小院幽摘得一雙紅豆子低頭說著分攜淚暗流
卮酒曾將酌石尤別自有人桃葉渡扁舟一種煙波各自愁

人去似春休

鵲橋仙

春水鴨頭春衫鸚嘴煙絲無力風斜倚百花時節好逢迎可憐人掩屏山睡
閒情枕臂從教醞釀孤眠味春鴻不解諱相思映窗書破人人字

密語移燈

又

寄見陽

倚柳題牋當花側帽賞心應比驅馳好錯教雙鬢受東風看吹綠影成絲早
玉堦春草就中冷暖和誰道小樓明月鎮長閒人生何事緇塵老

金殿寒鴉

翦湘雲

送友

險韻慵拈新聲醉倚儘歷徧情場懊惱曾記不道當時腸斷事還較而今得意向西風約略
數年華舊心情灰矣正是冷雨秋槐鬢絲憔悴又領略愁中送客滋味密約重逢知甚

日看取青衫和淚夢天涯繞徧儘由人只樽前迢遞

疎影

芭蕉

湘簾捲處甚離披翠影繞檐遮住小立吹裾常伴春慵掩映繡牀金縷芳心一束渾難展清
淚裏隔年愁聚更夜深細聽空階雨滴夢回無據正是秋來寂寞偏聲點點助人離
緒纈被初寒宿酒全醒攪碎亂蛩雙杵西風落盡庭梧葉還賸得綠陰如許想玉人和露折
來曾寫斷腸詩句

添字采桑子

閒愁似與斜陽約紅點蒼苔蛺蝶飛回又是梧桐新綠影上階來天涯望處音塵斷花

謝花開懊惱離懷空壓鈿筐金縷繡合歡驪

望江南

宿雙林禪院有感

挑燈坐坐久憶年時薄霧籠花嬌欲泣夜深微月下楊枝催道太眠遲憔悴去此恨有
誰知天上人間俱悵望經聲佛火兩淒迷未夢已先疑

木蘭花慢

立秋夜雨送梁汾南行

盼銀河迢遞驚入夜轉清商乍西園胡蝶輕翻麝粉暗惹蜂黃炎涼等閒瞥眼甚絲絲點點
攪柔腸應是登臨送客別離滋味重嘗疑將水墨畫疏窗孤影澹瀟湘倩一葉高梧半

條殘燭做盡商量荷裳被風暗翦問今宵誰與蓋鴛鴦從此羈愁萬疊夢回分付啼螿

百字令

廢園有感

片紅飛滅甚東風不語只催漂泊石上麝脂花上露誰與畫眉商畧碧甃餅沈紫錢釵掩雀
踏金鈴索韶華如夢爲尋好夢擔擱 又是金粉空梁定巢燕子一口香泥落欲寫華箋
憑寄與多少心情難託梅豆圓時柳綿飄處失寄當初約斜陽冉冉斷魂分付殘角

又

宿漢兒村

無情野火趁西風燒徧天涯芳草榆塞重來冰雪裏冷入鬢絲吹老牧馬長嘶征笳互動併
入愁懷抱定知今夕庾郎瘦損多少 便是腦滿腸肥尙難消受此荒烟落照何況文園
憔悴後非復酒壚風調回樂峯寒受降城遠夢向家山遶茫茫百感憑高惟有清嘯

又

綠楊飛絮歎沉沉院落春歸何許盡日緇塵吹綺陌迷却夢游歸路世事悠悠生涯未是醉
眼斜陽暮傷心怕問斷魂何處金鼓 夜來月色如銀和衣獨擁花影疎窗度脈脈此情
誰得識又道故人別去細數落花更闌未睡別是閒情緒聞余長歎西廊惟有鸚鵡

又

人生能幾總不如休惹情條恨葉剛是樽前同一笑又到別離時節燈炮挑殘爐烟爇盡無
語空凝咽一天涼露芳魂此夜偷接 怕見人去樓空柳枝無恙猶掃窗間月無分香閨

深處住悔把蘭襟親結尙暖檀痕猶寒翠影觸緒添悲切愁多成病此愁知向誰說

沁園春

試望陰山黯然銷魂無言徘徊見青峯幾簇去天纔尺黃沙一片匝地無埃碎葉城荒拂雲堆遠雕外寒烟慘不開踟躕久忽冰崖轉石萬壑驚雷窮邊自足愁懷又何必平生多恨哉只淒涼絕塞蛾眉遺塚銷沉腐草駿骨空臺北轉河流南橫斗柄畧點微霜鬢早衰君不信向西風回首百事堪哀

又

丁巳重陽前三日夢亡婦淡妝素服執手哽咽語多不復能記但臨別有云銜恨願爲

天上月年年猶得向郎圓婦素未工詩不知何以得此也覺後感賦

瞬息浮生薄命如斯低徊怎忘記繡牀倚遍並吹紅雨雕闌曲處同送斜陽夢好難留詩殘莫續贏得更深哭一場遺容在只靈廳一轉未許端詳重尋碧落茫茫料短髮朝來定

有霜便人間天上塵緣未斷春花秋葉觸緒還傷欲結綢繆翻驚搖落減盡荀衣昨日香真無奈倩聲聲鄰笛譜出回腸

東風齊著力

電急流光天生薄命有淚如潮勉爲歡諱到底總無聊欲譜頻年離恨言已盡恨未曾消憑誰把一天愁緒按出瓊簫往事水迢迢窗前月幾番空照魂銷舊歡新夢鴈齒小紅橋最是燒燈時候宜春髻酒暖蒲萄淒涼煞五枝青玉風雨飄飄

摸魚兒

午日雨眺

漲痕添半篙柔綠蒲梢荇葉無數空濛臺榭烟絲暗白鳥銜魚欲舞橋外路正一派畫船簫鼓中流住嘔啞柔櫓又早拂新荷沿堤忽轉衝破翠錢雨兼葭渚不減瀟湘深處霏霏漠漠如霧滴成一片鮫人淚也似汨羅投賦愁難譜只綵線香菰脈脈成千古傷心莫語記那日旗亭水嬉散盡中酒阻風去

相見歡

微雲一抹遙峯冷落溶溶恰與箇人清曉畫眉同

紅蠟淚青綾被水沉濃却向黃茅野店

聽西風

錦堂春

秋海棠

簾際一痕輕綠牆陰幾簇低花夜來微雨西風轉無力任欹斜
彷彿箇人睡起暈紅不著鉛華天寒翠袖添楚愁近欲棲鴉

憶秦娥

龍潭口

山重疊懸崖一綫天疑裂天疑裂斷碑題字古苔橫鬣
風聲雷動鳴金鐵陰森潭底蛟龍窟蛟龍窟興亡滿眼舊時明月

又

春深淺一痕搖漾青如翦青如翦鷺鷥立處烟蕪平遠
吹開吹謝東風倦緗桃自惜紅

顏變紅顏變兔葵燕麥重來相見

減字木蘭花

燭花搖影冷透疎衾剛欲醒待不思量不許孤眠不斷腸
銀漢難通穩耐風波願始從

茫茫碧落天上人間情一諾

又

相逢不語一朵芙蓉著秋雨一暈紅潮斜溜鬢心隻鳳翹
欲訴幽懷轉過回闌叩玉釵

待將低喚直爲凝情恐人見

又

從教鐵石每見花開成惜惜淚點難消滴損蒼烟玉一條
記取相思環珮歸來月上時

憐伊太冷添箇紙窗疎竹影

又

斷魂無據萬水千山何處去沒箇音書盡日東風上綠除
莫恨傷春同是慄慄多病人

故園春好寄語落花須自掃

又

新月

晚妝欲罷更把纖眉臨鏡畫準待分明和雨和烟兩不勝
此夜紅樓天上人間一樣愁

莫教星替守取團圓終必遂

海棠春

落紅片片渾如霧不教更覓桃源路香逕晚風寒月在花飛處
颺輕衫縈住驚起早棲鴉飛過秋千去

薔薇影暗空凝佇任碧

大酺

寄梁汾

只一爐烟一窗月斷送朱顏如許韶光猶在眼怪無端吹上幾分塵土手撚殘枝沉吟往事
渾似前生無據鱗鴻憑誰寄想天涯隻影淒風苦雨便訝損吳綾啼沾蜀紙有誰同賦當
時不是錯好花月合受天公妒準擬倩春歸燕子說與從頭爭教他會人言語萬一離魂遇
偏夢被冷香縈住剛聽得城頭鼓相思何益待把來生祝取慧業相同一處

滿庭芳

題元人蘆洲聚雁圖

似有猿啼更無漁唱依稀落盡丹楓濕雲影裏點點宿賓鴻占斷沙洲寂寞寒潮上一抹烟
籠全不似半江瑟瑟相映半江紅 楚天秋欲盡荻花吹處竟日冥濛近黃陵祠廟莫采
芙蓉我欲行吟去也應難問騷客遺蹤湘靈杳一樽遙酌還欲認青峯

又

堠雪翻鴉河冰躍馬驚風吹度龍堆陰燐夜泣此景總堪悲待向中宵起舞無人處那有村
雞只應是金笳暗拍一樣淚沾衣 須知今古事棋枰勝負翻覆如斯歎紛紛蠻觸回首
成非剩得幾行青史斜陽下斷碣殘碑年華共混同江水流去幾時回

卜算子

塞寒

塞草晚纔青日落簫笳動感感淒淒入夜分催度星前夢
盡關山到白狼相見惟珍重

小語綠楊烟怯踏銀河凍行

又

新柳

嬌軟不勝垂瘦怯那禁舞多事年年二月風翦出鵝黃縷
小門前長短條即漸迷行處

一種可憐生落日和烟雨蘇

青玉案

宿烏龍江

東風捲地飄榆莢纔過了連天雪料得香閨香正徹那知此夜烏龍江畔獨對初三月
情不是偏多別別離只爲多情設蝶夢百花花夢蝶幾時相見西牕翦燭細把而今說
多

雨霖鈴

種柳

橫塘如練日遲簾幕烟絲斜捲却從何處移得章臺髣髴乍舒嬌眼恰帶一痕殘照鎖黃昏
庭院斷腸處又惹相思碧霧濛濛度雙燕
幸自天上會試把霓裳舞徧百尺垂垂早是酒醒鶯語如翦只休隔夢裏紅樓望箇人兒見

滿江紅

茅屋新成却賦

問我何心却構此三楹茅屋可學得海鷗無事閒飛閒宿百感都隨流水去一身還被浮名束誤東風遲日杏花天紅牙曲
塵土夢蕉中鹿翻覆手看棋局且耽閒殢酒消他薄福
雪後誰遮簷角翠雨餘好種牆陰綠有些些欲說向寒宵西窗燭

又

代北燕南應不隔月明千里誰相念胭脂山下悲哉秋氣小立乍驚清露濕孤眠最惜濃香膩況夜烏啼絕四更頭邊聲起
銷不盡悲歌意勻不盡相思淚想故園今夜玉闌誰倚
青海不來如意夢紅箋暫寫違心字道別來渾是不關心東堂桂

又

爲問封姨何事却排空捲地又不是江南春好妒花天氣葉盡歸鴉棲未得帶垂驚燕飄還起甚天公不肯惜愁人添憔悴
攪一霎燈前睡聽半响心如醉倩碧紗遮斷畫屏深翠
隻影淒清殘燭下離魂飄渺秋空裏總隨他泊粉與飄香真無謂

訴衷情

冷落繡衾誰與伴倚香篝春睡起斜日照梳頭欲寫兩眉愁休休遠山殘翠收莫登樓

水調歌頭

題西山秋爽圖

空山梵唄靜水月影俱沉悠然一境人外都不許塵侵歲晚憶曾游處猶記半竿斜照一抹
映疎林絕頂茅菴裏老衲正孤吟
雲中錫溪頭釣澗邊琴此生著幾兩屐誰識臥游心
準擬乘風歸去錯向槐安回首何日得投簪布襪青鞵約但向畫圖尋

又

題岳陽樓圖

落日與湖水終古岳陽城登臨半是遷客歷歷數題名欲問遺蹤何處但見微波木葉幾簇
打魚罾多少別離恨哀鴈下前汀 忽宜雨旋宜月更宜晴人間無數金碧未許著空明
淡墨生綃譜就待倩橫拖一筆帶出九疑青髯瀟湘夜鼓瑟舊精靈

天仙子

淥水亭秋夜

水浴涼蟾風入袂魚鱗觸損金波碎好天良夜酒盈樽心自醉愁難睡西南月落城烏起

又

夢裏蘼蕪青一翦玉郎經歲音書遠暗鐘明月不歸來梁上燕輕羅扇好風又落桃花片

又

好在輕綃紅淚積漏痕斜霄菱絲碧古釵封寄玉關秋水咫尺人南北不信鴛鴦頭不白

浪淘沙

紫玉撥寒灰心字全非疎簾猶是隔花垂半捲夕陽紅雨入燕子來時 回首碧雲西多

少心期短長亭外短長堤百尺游絲千里夢無限淒迷

又

野宿近荒城砧杵無聲月低霜重莫閑行過盡征鴻書未寄夢又難憑 身世等浮萍病

爲愁成寒宵一片枕前冰料得綺窗孤睡覺一倍關情

又
夜雨做成秋，恰上心頭。教他珍重護風流。端的爲誰添病也，更爲誰羞。
願難酬。珠簾四捲，月當樓。暗憶歡期，真似夢夢也，須留。

密意未曾休密

又

紅影濕幽窗，瘦盡春光。雨餘花外却斜陽。誰見薄衫低髻子，抱膝思量。
近持觴。暗思何事，斷人腸。曾是向他春夢裏，瞥遇迴廊。

莫道不淒涼早

又

眉譜待全刪，別畫秋山。朝雲漸入有無間。莫笑生涯渾似夢，好夢原難。
自凭闌。月斜風起，袷衣單。消受春風都一例，若箇平安。

紅味啄花殘獨

又

悶自別殘燈，暗雨空庭。瀟瀟已是不堪聽。那更西風偏著意，做盡秋聲。
睡還醒。薄寒中夜，掩銀屏。曾染戒香，消俗念，莫又多情。

城柝已三更欲

南樓令

金液鎮心驚，烟絲似不勝。沁鮫綃、湘竹無聲。不爲香桃憐瘦骨，怕容易，減紅情。

將息報

飛璫蠻箋署小名，鑒淒涼。片月三星待寄芙蓉心，上露且道是解朝醒。

生查子

短燄剔殘花，夜久邊聲寂。倦舞却聞雞，暗覺青綾濕。
花溪遠夢輕無力。

天水接冥濛，一角西南白。欲渡浣

又
惆悵彩雲飛碧落知何許不見合歡花空倚相思樹
長宵數盡厭厭雨

總是別時情那得分明語判得最

又
東風不解愁偷展湘裙袂獨夜背紗籠影著纖腰畫
宜香小立櫻桃下

熬盡水沉烟露滴鴛鴦瓦花骨冷

又
鞭影落春隄綠錦障泥捲脈脈逗菱絲嫩水吳姬眼
東風舊壘眠新燕

留膝帶香歸誰整櫻桃晏蠟淚惱

又
散帙坐凝塵吹氣幽蘭並茶名龍鳳團香字鴛鴦餅
曾閒莫放相思醒

玉局類彈棋顛倒雙棲影花月不

憶桃源慢

斜倚熏籠隔簾寒徹聽盡哀鴻唳離魂何處一片月明如水兩地淒清多少恨分付藥爐烟
細近來情緒非關病酒如何擁鼻長如醉轉尋思不如睡也看道夜深怎睡
浮沉把朱顏頓成憔悴紙窗風裂寒到箇人衾被篆字香消燈地冷不算淒涼滋味加餐千
萬寄聲珍重而今始會當時意早催人一更更漏殘雪月華滿地

酒泉子

謝却茶糜一片月明如水篆香消猶未睡早鴉啼
人燈欲落鴈還飛

嫩寒無賴羅衣薄休傍闌干角最愁

船詞選

飲水詞鈔卷下終

飲水詞鈔卷下終

嶺表無賦羅支戰於嶺關于食景慈

隋園全集之卅三

箏船詞選

浦盒



中華民國十年
上海商務印書館
總發行所

易之附錄

易之附錄

陽湖劉嗣綰芙初

三臺令

紅豆紅豆知否別來人瘦月明何處秦聲腸斷牆頭鴈箏箏鴈箏記得那回相見
語無語門掩一庭春雨峭寒簾幙沈沈銀燭燒時夜深深夜深夜又是海棠花謝

無

金縷曲

簾

半幅湘漪剪鎮垂垂更無人處碧雲寒淺翠地妓衣扶不定飛動隔花釵釧便抵得小重山
遠剛是梳頭看未了凭風前晶插偏吹轉蟾蛸網等閒膏 舊家庭院追尋徧到如今有
誰料理杏梁歸燕一桁綠陰依舊好遮斷翠樓人面只看取淚斑千點中有橫波曾入畫向
秋江悔不尋常卷茶煙裊落花轉

前調

簾

小字桃笙好最蕭閒空庭一夢水晶眠倒八尺風漪誰打疊織幅吳淞圖稿消幾許烟飄月
抱賸有相思涼入骨伴玉壺夜夜冰魂悄釵影墮篆文裊 藕花衾被鴛鴦惱遶芳塘白
雲留住是鄉人老不分疏簾同看弈空對楚天清曉借仙枕合遊三島欲拂塵時秋又至儘
波紋卷入瀟湘早看落葉半牀掃

點絳脣

掩上重門杜鵑聲裏人何處亂紅休舞識得東風苦
陽今古黃歇墳頭土

準備春遊爲了春城阻愁無數夕

臺城路

薛素素牡丹畫扇

牡丹只買燕支恨裝成斷腸宮譜小疊齊紈平鋪蜀錦拋却幾場歌舞兒家心苦有七孔鏡
新十眉圖古欲寄朝雲夢中花葉倩誰補 金釵幾行姊妹但聽商女曲各自悽楚蘭草
埋香桃花染血淚滴靡蕪無數芳魂何處只賸粉零烟一丸黃土喚起秋風班姬相對訴

羅敷媚

今宵明月無情甚一片清光祇照鄰牆淒斷盧家玳瑁梁 隔江誰唱安公子偷得霓裳
卻立迴廊斷盡青溪曲曲腸 不如掩卻屏山睡路繞瀟湘只苦更長喚起沙汀鴈幾行

風前檐鐵聲聲語徹夜丁當迸做新涼孤負秋衾夢一場 分明星月前頭誓百劫

茫茫轉綠迴黃絲比春蠶一倍長 海天不信無憑準天樣紅牆海樣瞿塘多恐麻姑鬢
也霜 不堪更聽思歸引風笛悽涼說向秋娘蓮子心頭各自嘗 明朝又傍空江宿

多少鴛鴦泊粉漂香那得雙魚到謝塘

浪淘沙

落葉下重樓暮雨颼颼病來和影說綢繆不是芭蕉窗外語忘了深秋 料理舊時愁藥

椀茶甌無聊猶自倚香篝二十五聲今夜點點心頭

高陽臺

夢尾燈紅情邊水綠斷腸又是蘭舟消幾帆風離人吹下西洲春波依舊鴛鴦路甚孤眠占
斷閒鷗慢回頭翠被天涯冷了香篝 銷魂不是長亭怨是深盟玉鏡欸語銀鈎小疊吟
箋恩恩著得多愁闌干膩雨還應在怕朝來梨苑成秋等閑休團扇圓時何處秦樓

山花子

看盡屏間畫折枝茶煙癡坐鬢成絲愁聽隔林雙彈響打鶯兒 風雨白陽三太息烟花
紅豆兩相思取次闌干閒憶著立多時

惜紅衣

藕粉

玉井閒評冰盤細譜飲香誰數爲搗瓠霜秋來借僂杵粉郎身世全不近個人眉嫵淒楚待
約西家說空房心苦 輕調翠釜勝似芙蓉濃分小釵股紅鬢綠梳準擬領茶部素手者
番擊出猶帶滿汀風露問青蓮舌上一瓣冷雲誰吐

剪湘雲

蓮蓬人

翠蓋扶頭紅心徹底訝獨立斜陽解散羅髻香粉空來渾似夢鏡裏天然梳洗向秋江脫卻
藕絲裳換綠衣黃裏 誰念的的圓期亭亭鏡體有碧玉迴身掌上堪比一夜飛蓬搔首
恨隔浦西風吹起待空房重與結同心配井梧連理

釣船笛

隔院罷秋千斷了玉人弓印花外二分落照做一分輕冷 空階銷凝又昏黃此恨阿誰

省胡蝶不知春去上闌干弄影

高陽臺

柳髮晞煙花鬢隱霧小窗殘夢惺忪送得春歸春人也爲春慵紅樓一角無多路到愁來又
隔多重忒恁閑了歌鶯冷了吟蜂 舊家庭院簾垂遍賸吹殘薄絮唾罷輕絨雲氈
香除非畫裏相逢湖山可是無情思甚朝來不上眉峯誤芳蹤綠樹情情盼斷青驄

菩薩蠻

楊枝一曲秋情苦天涯心事從誰數艇子隔花白門江上潮

潮頭三五里日落城鴉起

獨自上西樓滿天風雨愁

沁園春

問訊蕭娘託上下潮付離合風憶裙邊袖角邀歌扇小尊前燭底記事珠工立近闌干花枝
向背宋態張濃各不同閒評泊許小名翻遍雜佩丁冬 江頭依舊簾櫳悵芳樹相思夢
欲空任秋衾況味全銷冷翠春衫顏色半褪深紅料得高樓有人垂手只在垂楊卷幔中南
雲便把數行清淚彈與征鴻

清平樂

舟宿水仙墩

鏡涼如畫繫纜叢祠下水佩風裳魂欲化碧月迢迢殘夜
量手把一絲烟柳不知秋恨多長

曉來零落明璫鏡中生怕思

滿江紅

幾葉芭蕉便翦破小窗風色闌干外半庭寒綠爲誰團得望眼昏時鴉點礙愁腸曲處蟲聲
織更飛來片月是離顏添悽惻 夢一帶楓林黑恨一帶蘆花白怕門前立盡斷無消息
春水曾從天上坐秋河祇向人間隔任年年流盡好鉛華無人惜

木蘭花慢

揷天湖柳碧渾不管曉鶯愁早紅被香消翠簾燭散人下西洲恩恩幾聲絮語怕風吹不到
謝橋頭輸與瓜皮艇子綠波雙翦江流 朝來眉史記同修小閣最清幽便鈴語禁花杵
盟負月悔了綢繆芳心縱窺團扇爲秦娥簫譜又傷秋欲倩行雲一片替儂遮斷層樓

少年遊

樓鴉只在莫江頭點點做成秋白蘋吹起綠荷折盡消得客魂愁 一聲鴈櫓蕩烟柔搖
夢下汀洲眼底天長眉間地仄心上幾重樓

四字令

蕉窗碧箋苔階綠錢夢來曾抱秋是今年去年 秋雲掃天秋河卷簾有誰同話秋邊算

秋蟲可憐

鵲橋仙

別汪懋茲昆仲

濃陰擁樹濕烟堆柳離恨一天低鎖桃花潭水夜來深更著個汪倫送我 被池翠薄鱸
山紅冷負了五湖單舸明朝愁殺落燈風對幾點春江漁火

蹋莎美人

小姑山

鴈影猶橫鳥啼未了峭帆挂破天曉澹雲微雨夢飛還恰好推篷看見小姑山
神女
荒唐水仙縹緲佩聲不信心間杳東風吹綠上煙鬟分送離愁一點到吳關

青玉案

吳大帝廟

泊船燈火沙洲市弔遺廟荒江址一夜短篷聽不止風聲如許濤聲如許不信英雄死
江
流洗盡吞吳恥向霸業江東照鄉里三國幾家真父子鷹臺何處生子當如此

娑羅門令

朝來認是瀟湘色暮來認不是瀟湘色報道潮生重添纜江亭側鴉幾點流水空蕭瑟
天
寒者般惻惻做春陰一帶昏於墨楚人門巷條條記回首處早水隔山隔高樓天半離恨千
尺盡眼風波此際誰管江南客立斷垂楊陌

木蘭花慢

輕煙纔禁過堤上路又清明訝屐齒紅稀裙腰綠斷負了新晴山亭亂堆濕翠甚朝來無處
著啼鶯賸有幾絲風柳門前也懶逢迎
湖汀正好麗人行畫裏憶傾城說金粉陽臺深
眠淺醉若個才名三生自知分薄忍悽涼聽到楚江情欲把紅紅譜記屏風不記鵝笙

菩薩蠻

十三箏鴈秦樓立酒邊舊事尋常憶金粉小屏山淚痕深淺彈
江頭風更雨吹送離人

語莫倚曉寒天鳥啼正可憐

前調

晚霽江上汎舟

簾櫳隱隱烟江面，遠天如墨，愁成片。淚雨一時晴，南雲無數橫。

闌干長十里，紅入斜陽

尾，直到鷺絲堆。地名藕花開未開。

水調歌頭

爲田小邨催妝

江上好風，月秋色在，蘭房紅雲。二十六幅幅，繡鴛鴦，妾住燕支，雁畔郎宿。燕支山下，各自占柔鄉。爾汝曲，能否窗外問吳娘。薛家紙石家黛，宋家香，溫家玉鏡，新製准備賦催妝。贏得章臺人，說明日畫眉，翻案京兆。是田郎早晚，大歡喜，夫婿入長楊。

風蝶令

雨點收闌，暑風絲逗，晚涼家家屏上有。瀟湘看見水蒨花影，憶江鄉。鶴骨盈盈，扇蟬紗薄薄，裳愁他明月墮。銀塘分得青荷鏡，子照鴛鴦。

滿江紅

帆

打疊輕蒲，儘領略楚天平遠。恰剪出瀟湘一幅，朝飛暮卷。細雨好留檣燕住，斜陽又送竿鳥轉。問名山千里，可曾逢圖中展。挂不了，煙痕暝，織不了，波紋軟。向天涯數徧，客程長短。水驛三更霜角掩，江樓一夜風燈閃。識孤鴻盡處，是歸舟離心滿。

前調

鞭

芳草萋迷直貯到玉驄樓畔君不見斷腸春色幾番重換雲路著來渾未穩江流投去何曾斷趁綠楊陰裏綰輕絲平分半 驢背雪橋邊看牛背笛邨頭喚也不須更約五陵遊伴歷歷鈴聲隨夢繞囟囟帽影和愁亂恰曉風殘月好思量江南岸

采桑子

桃花廟口兒家住只恨蘭舟催散清遊葉葉春衣水面樓 柳邊新月飛來也恰上梢頭依舊如鉤祇隔簾櫳不隔愁

百字令

楚天屏障被暮煙堆上一重重紫短景催人渾似箭那更峭帆風駛驛路疎鐘漁家遠笛幾點沙洲市水仙祠下離心吹滿蘭芷 誰念青翰舟中瀟湘夜色月冷嬋娟子縱有塵緣忘未了怕檢豔詞香史倚酒推愁拋燈約夢客枕寒如此春江千頃瑯琊當爲情死

菩薩蠻

舊縣道中

醉雲醒雨離亭宿殢人楚夢屏山曲細馬夜深馱籠燈看煞他 楊枝長復短妾意隨郎轉郎自要銷魂曉風吹出門

南鄉子

春事已闌珊一兩青鞋倦往還記得故園風景好凭闌薺菜花開三月三 兀自掩柴關芳草無多忍再刪却借一鞭樓上指君看綠遍江南岸岸山

金縷曲

送錢黃山之金陵

野店賒春酒送君行離腸草草醉中同剖我輩浮名漂泊慣只算桃人土偶君去也那堪回首我自家山歸未得但一鞭夢繞江南走看帆影挂京口遊梁入洛飄零久歎年來風懷減盡鬢絲都醜此去清淮淮上月曾照玉人攜手也未必彩雲還有問訊桃家雙姊妹道舊時團扇銷魂否唱不了白門柳

青玉案

聞蟬

無情碧到天涯樹都付與蟬聲去小曳孤筇門外拄柳陰天半絲兒挂著一寸斜陽住蕭疏鬢影看看暮只向人間飽清露記得停琴涼共佇畫樓倚徧曲廊立盡腸斷無尋處

金縷曲

月轉華燈午照條條玉人門巷圓期三五春夢也多新樣子綠暈紅圈無數有走馬章臺眉嬾人影如雲催易散六街塵遮斷東華土城頭角忽悽楚誰家院落傳簫鼓更番番楊枝新曲柘枝妙舞有客凭闌腸斷盡一種閒愁誰訴也枉殺東風圖譜料得寒梅應笑我道今宵不醉君何苦蠟淚盡筆花吐

金縷曲

題李未庵梅窩圖

誰剪鵝谿幅是江南一堆疎影繭窩新築比似何郎官閣好家在玉山之麓愛檻外亂峯斜

蠹祖笏滿牀書滿架坐萬枝香雪中間讀只此事羨君足
年來我亦思瑯屋最憐他莫
寒時節幾竿修竹依舊綠蘿庵裏月不分縞衣同宿有夢也碧天成各此夜定知花憶我背
東風獨自吹橫玉春正在畫屏曲

沁園春

冰條

漏斷瑤天甚短長條丁丁不休詫十三鴈柱參差隔院一行鴛瓦隱約當樓借水同膠和雲
並櫛粉淚闌干界未收斜陽外又雨淋鈴曲訴出閒愁
紅牆隔幾番遊有無數珍珠上
鈎記朝寒護處卸銀絡索晚妝洗罷敲玉搔頭遠屋重看巡檐索笑尙憶劉又舊句否超超
箸只尋常酒債借汝來籌

前調

冰花

小樣壺冰顆顆勻圓天花散纔却分菱四照明波作骨爭梅五出豔雪成胎刺水文輕鏤雲
瓣薄也費天公幾許才憑彈指是浮漚世界點化重來
年時剪綵樓臺每背却東風憶
幾回有玉琴面古七條痕裂銅餅膽小一片紋迴畫只宜脂唾曾化碧除是春人出手裁闌
千底訝江妃微笑頃刻都開

少年遊

題朱少仙天寒有鶴守梅花照

柴門流水占清幽家在小橋頭翠袖風前縞衣月下同夢到羅浮
如今畫裏相逢處指

點舊林邱鶴影疑君花身似我枉了幾生修

水調歌頭

我愛徐騎省歌曲換中書世間萬事戲耳請看上場餘三日居然僕射五日居然京兆過眼
幻乘車呼我且爲馬知子乃非魚 書咄咄號左左悟如如清風明月無價此外不關渠
一石淳于也得一枕淳于也好其樂總于于與我周旋久吾自愛吾廬

金縷曲

題陳迦陵洗桐圖

卷裏秋聲送好蕭閒梧宮如水碧天初凍潔到倪迂須是癖髻也風流伯仲此意只雲郎相

共即係雲耶洗桐人 偷汲井華三兩尺正庭前抱出先生甕疏雨滴玉堦縫 百年彈指槐南

夢猛思量迦陵仙鳥幾場吟諷墨魄騷魂淪落盡賸有雲烟堪供底處覓胡牀三弄喚起王

桐花一曲洋題句問清聲可似當時鳳歌已闕飲須痛

水調歌頭

寒食過北蘭寺

一百五寒食七十二長亭他鄉今日何日踏遍亂山青指點北蘭蘭若薰入影堂深處畫壁
晝冥冥竹外石泉響中有冷烟停 桑梓憶松楸恨恁飄零孤兒淚洒何許哀草沒遙汀

極目斜陽欲盡又是晚鴉飛去點點古愁經一路紙錢起鬼火散寒星

清平樂

萋萋春碧踏破青鞋色客裏欲歸歸不得一路雨斜烟直 東風挑菜誰家酒壺且醉天

涯不見春人冢上年年紅煞桃花

闌干萬里心

南徐道中

月落天涯長短亭兩三家店帶春星殘夢模糊酒未醒一鞭停山在江南樹上青

天仙子

米樓自楚中歸屬題蓮衣卷

落盡蓮衣紅十里鴛鴦夢冷秋烟尾有人天際蕩舟來愁不已西風起月明夜弄瀟湘水

子夜歌

枇杷樹底留春住櫻桃花底催春去去住不勝愁可憐春盡頭

清遊渾未省直到春城

冷絲雨畫樓垂玉郎歸未歸

邁陂塘

陶鳧薺秋舫圖

怪空江蘆花飛斷白鷗還弄秋影秋來一幅悲秋譜都付水天消領三尺艇更添段斜陽紅

破離亭暝客愁誰省正高臥滄浪幾家漁唱聲在釣竿頂

憑招隱指點楓橋煙景吳波

隔了千頃輕眠淺醉年年慣風笛可能吹醒風又緊怕小住鱸鄉歸信都難準峭帆孤引早

新鴈橫空兩三行字箏柱落淒冷

清平樂

吳白岸蒔菜圖

踏青堤畔兒女平分半挑菜歸來香不斷黃鸝滿頭飛亂
園丁何苦天涯風雨雨橫斜
買得一鉏春去還山且種梅花

翠樓吟

歛胡城東六安舟次得絕句四章風格清絕友人爲寫其意余贈此詞

鴈外雲濃鴉邊墨澹秋光橫抹林表長淮來短艇消受得白蘋風飽共誰吟眺只一兩三家
水迴烟遠柴門悄打魚人去釣絲空裊 誰料畫裏相尋有荒汀斷岸寫儂行稿舊遊渾
不是早放鳴船都歸了夕陽多少便紅煞離亭不成霜曉傷懷抱憑君細看鬢先君老

揚州慢

答董琴南寄懷

酒薄催冰燈深釀雪空庭惱亂荒雅恰故人書到一笑破梅花記橋下春波別後橋都斷了
烟柳空斜待思量影事回頭隔幾重紗 書帷琴南齋名何許道藥鑪伴過年華便茂苑昏黃
蕪城慘綠各自天涯還恐寒江凍合今宵夢流不歸家問曉風隄畔何人替拍紅牙

醉花陰

舟過南塘烟水合杳江南春影如在夢中樂子蓮裳爲話昔年繫棹事惘惘兮余懷也
天外層湖湖外渡渡口南塘水太無情流過門前不許鴛鴦住 岸柳荒寒三兩樹沒個
尋春處懊惱是紅船不載春來載了春人去

百字令

河間道中和蓮裳韻

南雲停徧伴離程只分月殘風曉已是踏春時節近可有楚花能笑破寺猶鐘頽樓罷角
得荒鴉老凭高休望亂愁積似烟草底事壚畔琴心窗前箏手幻影都收了畫壁人來
頭漸白蠟淚那堪重掃冷酒澆春殘灰撥夜腸逐車輪繞玉鞭搖斷柳絲牽恨多少

前調

趙北口疊前韻

十三橋畔似江南新水蕩來春曉添上輭紅塵一路總被白雲閒笑柳髮全髡槐心半死斷
送行人老羨他漁舍短蓑眠夢芳草却憶渡倉皇北征慷慨往蹟烟銷了今日戛兵無
個事臥看酒旗低掃鴈衝寒鴉鴉接影落日河聲繞蒼茫立馬古愁飛下多少

醉花陰

邗江郭外感舊作

細馬春衫風色冷烟雨催成暝約略幾里門那日聽歌有個黃鸝請吟鞭半鞦斜還整
喚不春愁醒愁外是春山山外桃花花外愁來影

摸魚兒

花朝偕青士藕舫泛舟西湖

甚東風湖心亭下綠波日日吹縐冷煙疎雨模糊甚釀出心情如酒尋渡口是雙槳飛來恰
恰鶯曠又替春僂憊有一道裙腰踏青歸去草色總成繡花生日記得天涯攜手落花

閑趁衫袖樓頭不獨春人老只看春山都瘦惆悵久賸一樹桃鬢紅到斜陽後客魂斷否更
天際闌干斷無人處撩上幾絲柳

高陽臺

秋日重過補蘿山房

蕉格臨書苔文讀書閒門最好深深空谷人家殢他翠袖寒侵商量多少營巢燕占東風只
有紅襟替沈吟花未闌珊竹未蕭森 五湖憶著閒生計怨鉛華流斷芳訊都沈一綠鴛
波等閒圓到鷗心闌干只合膏騰倚怕他時烟夢來尋病悵悵無限清愁譜入瑤琴

金縷曲

春莫偶步天橋歸途作此

吹上春蕪暖是東風替春料理玉鞭長短聽過錫簫芳思歇枉煞六街絃管問草際蝶魂誰
欸碧簾新鋪三兩尺怪波紋不似江南輭流水外馬蹄緩 桃花飄出宮牆怨儘低徊舊
曾遊處酒旗輕展煙柳不由儂作主牽得一絲絲斷有無數曉鶯啼倦人影如雲催易散
西山簾額尋常卷燕夢繞楚天遠

湘月

己巳三月八日夜集計夢室時湘巖將之大梁離情惘惘爲詠遊仙客有填湘月半闋
者余次其韻得一解

冷冥冥地有仙雲一葉寄將芳思照見離人花下淚蠟影能傳心事寶篆蟠香清詞鏤雪解
得連環意吟成小立青鸞應矯雙翅 問訊他日珠宮盟星咒月定許同遊未只恐飛瓊
飛去後寒甚玉樓難倚唐韻書空秦簫咽別嚼到紅霞碎天雞亂叫海風吹夢無際
水調歌頭

爲海邨題湖樓秋思卷

是墨是煙水人說是西冷不分峯影南北兩扇綠蘿屏
蕭見故人題字都作斷霞飛去鴉點
散零星無數倚樓客衫上酒風生
湖一面山一角儘消停微雲中有佳壻底事早飄零
二十四堆青冷三十六灣紅退七十五郵亭飛雨不知處
龍笛畫冥冥

又

能聽越吟否請賦浙江潮平添幾許離恨淚洒舊蘭橈
損了西施眉黛瘦了東陽腰帶紅樹
也魂消秋鬢已如此愁照碧迢迢
僧樓磬酒樓板畫樓簫借君圖裏尋徧烟月太無聊
問訊同盟鷗鷺亦有相思猿鶴歸夢可能招依約一聲
鴈搖櫓出三橋

金縷曲

春暮偕樂蓮裳湯雨生崇孝寺看花和雨生韻

春恨銷何許寺門深綠陰陰節撲來飛絮牆角梨雲低
徊徧賸有殿鈴私語吹一霎冷冥冥
雨十里高樓天如墨怎寒鴉不帶愁歸去驢背客枉敲句
年時記踏瓊花土最難忘兩
三吟伴曉鶯啼苦堤柳新來都攀盡何況白家蠻舞飄
不斷酒痕酸楚今日郵亭昏騰夢怕
征衫淚也無紅處空洒上小桃樹

金縷曲

爲吳思亭題復園紅板橋詩冊冊爲樊榭菴浦諸老題詠

眼冷平泉路儘低徊舊家庭院昔年風露新綠半篙紅一板占斷水亭煙路算前輩風流無
數五字詩成同脫手讓山僧提挈盟鷗鷺珠唾落碧紗護
吳郎領畧閑緗素說前遊雪

泥猶印劫灰都誤衰柳斷橋何限好換了蟹汀魚步賸一卷傷心詞賦六十年來耆舊傳怕磨人墨也從頭蠹伴歸櫂水雲暮

木蘭花慢

壬申禊日洪桐生太守齋中分賦得木筆花

誰家深塢裏垂露影筆非秋正月地芒含霞朝穎脫誤了雙鉤爭投木天高處趁東風書上五雲樓欲記羣芳名字唐昌舊譜慵修清遊曾蕩蠡湖舟花下小勾留憶人語分箋香盟約素疊盡閒愁休休江郎夢遠悵簪來不是少年頭泥遍曲闌干路商量移伴茶甌

隨園全集之三十四

捧月樓詞選

松田書

中華民國十年
上海商務印書
局總發行所

錢唐袁通蘭邨

菩薩蠻

晚風吹入紗窗冷小樓一粟寒鐙影不是舊歡場花開也不雙

秋心誰共說只有如鉤

月月不伴人愁三更先下樓

南鄉子

雨窗感舊

疎雨滴蕉心蕭瑟中宵斷續聲薄醉未成燈欲燼零丁涼擁桃笙獨自聽

香夢杳難尋

影事低迷記未真一種纏綿忘不得零星纔著思量已斷魂

生查子

烟薄雨初收風捲雲猶濕花落貼春泥燕嘴銜無力

暗消凝何處說閒把闌干拍新柳

似蛾眉一樣傷心碧

欄干萬里心

風簾不捲晚樓臺十二疎窗壓水開短夢初醒燕未回有誰來芳草如煙綠上堦

百字令

將自都門還秣陵留別張船山

間陶

吳山尊

燕

兩翰林戴金溪

敦元

刑部汪劍潭

瑞光

助教趙味辛

衡玉

邵壽民

葆祺

兩舍人尤二娛

維熊

張子白

若采

兩大令

驢歌滿耳是勾人舊恨別他今雨一帶春明門外柳從不繫人車住河轉桑乾霜林夾道都

化相思樹數聲班馬征夫最斷魂處

縱說紅玉消寒青山迎客漸近江南路爭奈一番

澆溪紗

離別後總覺平添愁緒祖席初闌觚稜回望鄉思攬如絮不知今夜夢魂何處先去

未省輕寒到被池此情難忘在家時被人常笑起來遲
今夜聞雞還倚枕者般況味莫

教知一燈相伴自尋思

浪淘沙

題汪琳圃

世孫

宜臺圖追憶昔遊卽以誌別

秉燭記前遊曾此勾留者番寒了舊盟鷗賸有美人題字在牆角銀鈎

畫得水邊樓如

許清秋來朝展卷定生愁一角布颿搖曳處是我歸舟

喝火令

好在鴛鴦牒飄零桃李年知他離恨幾重天驚破遊仙好夢辛苦未曾圓

難覓珠成斛

還愁玉化烟枇杷花下小橋邊記得樓頭記得挂疎簾記得捲簾人說早買五湖船

綺羅香

墜歡如夢杳不可尋作南園春影圖

香夢勾人胡麻飯客想不分明前度無主桃花因甚亂飛如雨便堤楊癡縮春來恐梁燕已

知人去問亭亭倩女魂歸啼痕窗上解尋否

闌干曾記共倚一度摩挲欲遍一番酸楚

縱有春山爭似箇人眉撫說來遲綠易成陰試覓取綠陰何處一聲聲淒入東風隔林啼杜

字

菩薩蠻

藍橋曾許裴航到雲翹私語雲英笑法曲演霓裳羅衣翠地長
再一樣髮梳蟬別時披兩肩

重尋歡喜海玉女窺窗

又

冰紋鬲子房櫺淺衫痕鬢影依稀見隔得似天涯一重方空紗
息不怕夜寒深剪刀時一聲

殘釭挑欲滅小語吹蘭

又

低鬟略道勝常罷移牀坐近娘肩下笑與說排行鯉魚紅六雙
麗命薄小桃花恁生偏繡他

綵絨閒自理碧綠青紅

又

謝庭小宴花時節合歡檀几圓於月一笑眼波流坐來剛兩頭
避特地酒親斟到儂偏十分

蘭姨智瓊姊冷眼難回

又

雲雷文細玲瓏甚并刀教鏤連環印一雲臉霞生被人知小名
紫寫就十三行替他鈐上方

定磁圓盒子中貯銀泥

又

都蘭答刺花奴鼓折花筵上傳將去欲接故遲遲鼓聲如雨時
頰暈得可憐生一層紅一層

觴飛何太急漸漸潮頰

金縷曲

郭頻伽

慶朱鐵門春生

遊西湖諸山行倦思飲以姓名帖子質酒家孟湘湄爲作寒壚

買醉圖索題

畫出狂奴態是當年西京遊俠朱家郭解誰記高陽酒徒事喜有當壚人在只行處又添新
債三寸紅箋題姓氏賦長門取酒黃金代增小景入圖繪 兩年三度征颿挂笑吳儂饑
驅未定故山難買何日方成卜鄰約隨意數椽屋矮更百斛金陵酒載重寫寒林兼遠岫添
一眉月挂寒林外來照我那時醉

浪淘沙

客瓦梁不寐作

回首小長干花未開殘別原無奈見應難賸遣夢魂尋覓去夢又闌珊 蠟淚夜深彈倚
遍屏山宵深先怯被池單不是客中渾不覺如此春寒

風隼令

過揚州偶紀

香未沾荀令舟曾欸鄂君相思如夢夢如塵偏是一分月照十分人 萍梗怱怱轉秋心
黯黯生天涯何處證蘭因只恐暮潮平後恨難平

洞仙歌

賦贈疎香女子同頻伽作

娟娟此豸正春情初逗骨比香桃十分瘦慣偷窺戲蝶癡捉飛花嬌愁甚略解閒愁時候

幾回羞暈頰多事蘭姨畫得鴛鴦倩伊繡問取比肩人除却王昌恐不合此生消受只一笑當筵眼波流怪屏外春山總輸明秀

附前調

題錢叔美爲疎香女子畫梅用蘭邨韻

郭麐 頰伽

東風著力恰雪痕微逗畧解春情便應瘦似那回曾見隔箇窗紗修竹裏翠袖暮寒時候
江南二三月豔紫妖紅兒女十枝五枝繡誰得比孤清一斛珠量除聘取海棠消受擬
待到昏黃月微明倩玉笛橫吹看珠簾秀

高陽臺

頰伽將返魏塘時疎香女子亦以次日歸吳下置酒話別離懷惘惘頰伽即席成詞因

次其韻

月轉魚肩露涼鴛鴦西風新到江城別恁匆匆管絃忽變秋聲暫時團得紅窗影夢如煙不
近桃笙者離情較雪爭寒比絮嫌輕 可憐還有將歸燕怪無端津鼓苦促君行爭不同
舟伴他倩影亭亭雲搖雨散垂垂別只幾番老了啼鶯算歸程風要先聽雨要先聽

附前調

原作

郭麐

暗水通潮癡嵐閣雨微陰不散重城留得枯荷奈他先作秋聲清歌遏行雲住露春纖
並坐調笙莫多情第一難忘席上輕輕 天涯我是飄零慣恁飛花無定相送人行見
說蘭舟明朝也泊長亭門前記取垂楊樹只藏他三兩秋鶯一程程愁水愁風不要人聽

五綵結同心

玉山舟中遇孫子瀟

原湘

自虞山來即偕徐懶雲

雲路

登文筆峯尋玉山草堂遺趾倚

此題壁用陳卓是

基韻

風吹萍聚櫓送人來分明雁集平沙攜手看山去危坡滑行處香踏松花新霜紅染楓林嫩
春猶小管未吹葭僧寮近禪參苦口待他掃葉煎茶 玉山草堂何處說風廊水檻占斷
煙霞彈指成陳跡曾親見輸與怪石磋砑拈毫欲寫登臨感對文筆書愧秋虵斜陽裏渾忘
今日此身各在天涯

行香子

上海道中候潮

算定歸程嫩約分明挂輕颿江渡春申怪伊雙槳偏泥人行要等潮來等潮去等潮平 酒
也慵斟夢也難尋照相思一點秋鐙擁衾沈坐誰伴深更有雨蕭蕭風瑟瑟雁聲聲

醉太平

石門舟次見新月

窺人似羞背人似愁要人眉樣重修露彎彎一鉤 秋蛩怨秋蕭郎遠遊有人今夜紅樓

唱纖纖兩頭

金縷曲

題朱荔生

文

號

醉圍紅袖圖

何福能消此擁春人嘲紅笑綠桃花底誰畫烏絲誰捧硯累爾魂消些子只小宋忍寒相

似賸恐難鬢生性急把瓊簫暗拍尋宮徵吟未穩冷纖指
年時槩打橫塘水記丁簾徵
歌喚酒花天月地裙帶領巾書欲遍團扇又催題字也曾在遊仙夢裏今日披圖添悵惘悔
當時不買生綃繪彈指過十年事

買陂塘

題頻伽山陰歸權圖

買吳舸載將西子雙雙出鑑湖去多情只有寒江水照見神仙伴侶颿挂處趁幾陣東風別
却山無數篷窗漫撫恐綠鬢雲鬢臨波疊影妬殺浣紗女
家園近指點林巒半露翠痕
來鬪眉嫵柴門曲曲煙波好一帶水楊柳樹聽客語說看遍歸舟風味都輸汝解裝且住問
數典輸茶聯吟擘錦償得浪遊否

醉太平

玉華樓夜起看月

波如鏡平月如鏡明不知蕩影湖心是一層兩層

絲絲柳青濛濛霧昏那邊紅出漁燈

亂長天曉星

摸魚兒

倉山之麓有樓一楹丹堊不施桐柳交蔭額曰秋夢余所憩也曾寫作圖攜置行篋舟

次展玩愴然增飄泊之感倚此題之

者烟巒分明認得吳儂生小曾住紅樓半掩秋蕭瑟涼夢欲沈宵霧窗啟處墮幾片桐陰愁
綠簾旌聚玲瓏月午更帳下青綃枕橫玉來聽亂蟲語
生涯誤誰念小人有母饑來驅

我何苦他鄉亦有秋堪聽歷亂每驚津鼓江上櫓問趁此霜潮解送離魂否欲重畫取添千點寒蘆一繩斷雁人臥柁樓雨

附前調

郭麐

信宿隨園頗極文讌之樂將歸之夕蘭邨以秋夢樓圖索題黯然賦此

小紅樓居然百尺文窗了鳥深閉豈知中有悲秋客夢與碧雲無際湖海氣只打疊柔情不斷如春水偷聲減字問白石玉田金荃蘭畹多少可憐子 浮名好低唱淺斟何似

為誰此景輕棄六朝山色雙眉翠換了青衫從事我醉矣想葛屐西華那有桃花米能謀酒未怕江上荻聲塔前蛩語漸漸有秋意

時君將入都赴選

又

孫原湘 子藩

借揚州二分明月送君歸夢飛渡水深只怕蛟龍得不怕大江攔住秋已暮秋只在紅樓

一角無人處凭闌四顧拋六代眉痕雙湖鏡影幾片冷雲護

圖中樹我亦曾經攀取

竹香猶繞詩句一從陂杖飛仙後谷柳汀花都古君又去便絮酒空山誰指先生墓此情待補判夢趁寒潮追尋宿草或者與君遇

卜算子

與程沅香 晉 鄭季壽 章 及頻伽鐵門湘湄卓是同寓西湖來爵樓者匝月瀕行湘湄

為作湖上雲萍圖諸君皆有贈行之作填此志感

見也恩恩甚別也恩恩甚湖上萍花夜著霜不似離魂冷

爪雪分明印小字銀鈎認算

是相逢又一番鬢影休窺鏡

憶舊遊

怪天涯何處放得秋歸消盡吟魂瑟瑟西風急又添將哀雁相和寒砧霜華漸凋潘鬢已分
鬪情根偏選夢難圓祛愁難去滴淚難溫 相思向誰訴賸貼枕幽紅幾片啼痕開遍芙

蓉了奈秋江潮冷嬾渡梨雲離觴記伊親送絮語最分明說莫誤重來垂楊一路青到門

踏莎行

病中餞春

嬾逐蜂忙倦和鶯語韶光強半愁中度分明不覺有春來驚心却說春將去 草碧黏雲
柳青梳雨東皇著意安排處只應一道伴春歸如何綠到天涯住

疎影

燭淚

深情脈脈慣伴人孤影啼殘宵半風閃屏腰雨逼簷牙贏得一絲偷泣星星莫認瓊瑰落是
火齊暗穿成串記夜歸穗結親彈紅暈指尖曾染 休比靈芸豔事唾壺冷絳雪爭說凝
遍拭不能乾只待心灰一縷情根纔斷歡場但覺春如海便滴盡有誰來管試將伊照上離
筵持較袖痕深淺

憶舊遊

酒帘

乍醅香初泛尋遍前邨曾認竿頭欲踐聽鶯約憶攜柑買醉爲爾勾留縮向綠楊陰裏從不
管春愁比檣燕江干花旛牆角別具風流 半生飄蕩恨任雨濕風翻搖漾難休便有翮

翻字問憑高誰辨小篆銀鈎記踏月歸親見影落板橋秋是溪畔誰家一竿點露忘却收
聲聲慢

闌干

齊排亞字巧琢連環橫斜紅入花陰折得花回有人倦了閒凭風飄袖羅垂處露芙蓉裙袂
零星曾拍遍怪一重隔著翻惹沈吟 搭住垂楊幾縷護簸錢堂靜響屨廊深短夢迷離
依稀袖手曾尋關心月來遲早記銀鈎劃處分明春去也又殘紅堆上一層

如此江山

香篆

芳心那便和灰冷氤氳小樓吹滿澹恐非烟瘦難成字脈脈飄來一綫薄陰庭院看纔出金
鋪又縈銀蒜癡欲留伊燕歸猶未畫簾捲 前宵誰在月下暗燒殘一瓣曾累尋遍乍蕪
嫌濃微高愁散比似遊絲還軟依依不斷想斜倚熏籠夜長人倦分向郎邊半絲風替剪
小樓連苑

簾波

畫長深院無人一重放處曾垂地蝦鬚半疊暗風微颭成鱗細犀押低安曲瓊斜控盛花
難起記黏來飛絮誤他歸燕剛掠過疑搖碎 相伴王郎窗底灑斑斑淚潮紅膩蕩開月
影寫將香篆添重烟水掩映春人不分明處神光搖曳最難忘杜牧新詞換得那人名字

任韓

之孝廉 坤名 簾波 杜雲川 太
史爲賦 一律 韓前 翠以爲贈

扁舟尋舊約

斷雁啼霜棲鳥警月起來漏箭沈沈庭閒如水人孤似鶴薄寒逼醒餘醒墜歡何處也賸衫袖星星淚痕畫闌依舊紅窗半掩只少倚闌人 多不分天涯飄泊恨有才人消受還到卿卿隨風浪梗經秋霜蒂可憐一樣零丁亂山遮望眼那遮得相思夢魂夢能來否孤衾爲爾歸去溫

摸魚兒

聽杜曉蘭女士彈琵琶

掩紗窗圍鏡促坐深情同戀紅玉檀槽細把迦羅撥親理泠泠絃索彈一曲早逗引春愁雙鎖眉山綠韻清拍促似的的明珠走盤不定指下迸千斛 傳神處健比霜鷹鬪鶻冷如思婦宵哭忽然寫出幽閨怨歲晚牽蘿空谷背畫燭偏惹我柔魂消盡屏風角乞桃花粥待偷問蘭香幾時下嫁江上有漁屋

浣溪紗

卅字文窗亞字闌犀簾一桁鎖輕寒春魂扶不上屏山 倚曲翻成鴿舞檢香熏盡鷓

鴝斑錦衾爭奈半牀閒

又

池面荷風吹夢還簾紋如水作秋寒起來花影壓闌干 記得十年心上事一般清景畫來難斷雲扶月月銜山

浪淘沙

月下聽雙鸞彈胡琵琶

清露冷疎林小坐娉婷檀槽閒撥送淒清不信四條絃索上如許秋聲
況而今眼前沒箇舊時人除是當頭眉樣月還解來聽

虞美人

雨夜不寐有憶

宵長更著廉纖雨沒地推愁去一聲聲滴一更更只道離人聽得未分明
忘却那分思量著桃笙如水淚如潮爭不爲人流夢到虹橋

低迷春影渾

臨江仙

驚鵲踏枝翻暮影西風初到垂楊碧芙蓉瘦小銀塘一痕沙上月鋪作滿庭霜
深判獨飲醉鄉春勝愁鄉紅窗影寫燭花涼強凭青玉案閒夢謝秋娘

荷葉杯

壺中天

題頻伽魏塘移家圖時在吳門舟次

浮家泛宅儘阻風中酒吳根越角難得好山偏借得卸了蒲颿十幅畫籠書囊笛牀茶臼占
滿三間屋文窗掩處中間人定如玉 堪憐我有園亭花圍柳窰小逕隨波曲一自飄零
成蕩子客鬢漸消愁綠飛絮生涯勞薪身世誰問窮途哭幾時息影慰他山裏猿鶴

喝火令

客揚州作

瘦影偎銀燭驚魂妥帳紗可憐飛燕戀飛花同是一般飄泊小住別人家 慧業消磨我
生綃供養他花冠催起月西斜只恐重逢只恐鬢生華只恐輾紅十丈分手卽天涯

聲聲慢

舟過毗陵

聽潮聽雨聽水聽風恩恩已過毗陵一葉扁舟載將幾許秋心便說家鄉近也奈還鄉仍算
離人知何日始青山買得料理歸耕聞說蘇堤春老問六橋花柳曾否飄零四載重來
此身不是閒雲只恐湖山笑我笑而今減却豪情誰勸爾舍烟霞去踏輦塵

浣溪紗

綠胡蝶

飛上閨人碧玉簪雲鬢驪處認難分天涯芳草夢中身樓向花叢渾似葉照將春水欲

無痕撲時迷煞踏青人

摸魚兒

泛舟西湖經來爵樓是庚申歲與鐵門頻伽湘湄卓是沅香聯榻處也茲以掃墓來尋
舊遊諸君皆散處吳會亭臺如昔人事都非卽日感懷因柬何夢華元錫錢金粟林

陳曼生

鴻壽

高爽泉

埕

趙雲門

春沂

諸子

又恩恩故鄉小住扁舟來訪吟伴湖山不改當時景無奈酒邊人遠樓一面認十二紅闌舊
日曾凭遍萍飄蓬轉怪同向天涯營巢未定輸與畫梁燕東風輕空把繁英催亂鷗盟
不爲吹暝一番聚首無他事只辦一番腸斷歡苦短況我昨思歸已買船三板沙擗易散莫
輕放尊前者般風月一任酒杯淺

高陽臺

湖上用玉田生韻

山遠窺窗波平浸影小紅初勸觥船人是重來幽懷冷似當年多情只有風前柳尙盈盈青
眼相憐惹潏然一笛湖心吹破春烟 十年空訂量珠約怕鶯期不定留恨樊川添得愁
痕依稀眼角眉邊雙行並坐須臾事料難償獨夢孤眠背湘簾淚血偷彈學了啼鶻

醉太平

山程水程長亭短亭有人遠道初經數郵籤與聽

颿開曉行潮生夜停累他小膽頻驚

聽風聲水聲

高陽臺

紀別

鰲淚初拋驪歌半咽隆隆車軸鳴時難解春愁當時悔載春歸衆中莫怪先迴避料眉愁怕
被人知最憐伊誰料今番付與相思 可能遮斷懷人夢遍長亭是柳裊盡風絲一片離
心那曾挽住些兒綠陰青子匆匆甚問歸來誤否鶯期舉鞭遲怕聽門前嘶斷斑駁

南柯子

楊蓉裳先生

芳傑

招集芙蓉山館分詩牌限調填各詞得二闋

眉似霜花瘦魂教倦蝶尋湘簾鈎好水窗凭無奈青山面面染愁痕

采菊添秋影敲棋

答雨聲羅衫分與暝香熏休聽飛鴻啼夢怨飄零

又

霧閣迷鸚鵡璫臺鎖鳳凰因無聊賴下紅窗又見紗衾拋亂合歡牀

寒影羞窺月單衣

恐漬霜雙魚定怯晚潮涼寫就花箋未敢寄秋江

生查子

再集芙蓉山館分詩牌作閨怨辭

拂鏡曉妝遲沈水閒焚遍瘦蝶立屏梢貪近湘簾暝

歸信誤鶯期夢逐天涯遠不忍見

庭花付與啼鶻管

清平樂

月下憶家

帶寬移孔愁是新來種坐到滿城鐘欲動衣薄不禁寒重

前宵月子彎彎今宵月子圓

樂想遍故園高閣涼生何處闌干

壺中天

李湘芷

元壇

招同陳雲伯

文述

楊伯夔

慶生

集少摩山室玩月因懷江南故人

生憎月子照客中孤影分明何事風露一庭蛩四壁漸入新秋天氣簾展涼冰簾垂犀押圍

坐寒光裏衫輕酒薄墜歡無奈天際

此夕誰倚高樓誰橫短笛誰擁黃綢被鷗夢初圓

雲聚葉可念征人孤寄拋却山青踏來塵輦事事違初意心隨斗柄連宵空向南指

國香慢

小伶雙鸞向在白門樂部中識之今來京師忽遇於吳蘭園大人席上何戢老大

王粲飄流把酒相對清淚棲睫昔玉田生於京都遇杭妓沈梅嬌傷其零落爲賦此

調感慨今遇無異昔賢依調抒懷並次其韻

走馬金堤怪乍停銀勒忽遇紅兒琵琶抱來遮面袖繹衫垂說著腰圍瘦減向風前羞撚楊
枝愁蛾背鏡斂料得秋心酸透多時 歡場成昔夢問曾留鳳約爭便鸞飛幾經彈指何
處更證蘭期不待一聲河滿惹尊前淚早沾衣沾衣漫相勸爾已飄零我未成歸

虞美人

夜寒不寐

如潮漏箭銅壺瀉漸近三更也西風何苦作去輕寒難道不知客被未裝絛 雁聲蛩語

如相和夢短頻驚破謝他月子太多情來向屏山角上一絲明

卜算子

夜坐用浣薺韻

借得屋三間影伴殘燈住一片蛩聲逼短窗靜夜聽疑雨 有夢欲還家苦記南來路重

疊山巒數不完斷雁呼人語

高陽臺

題葬花圖

穉綠初勻老紅欲退垂楊庭院沈沈玉隕烟銷墜香熏醉苔痕可憐一幅紗囊小儘招來多
少春魂怨東君苦爲催開那算多情 紅闌幾曲留纖步映鴨頭波綠鴈齒橋深欲去還
停料因小戀啼鶯深深埋玉知何處遍人間都是愁城好了甯便有來生莫到紅塵

捧月樓詞卷一終

捧月樓詞卷二

金縷曲

錢唐袁通蘭邨

送汪子山司馬世泰至蘆溝橋留宿玩月憶昔己未冬出都錢謝庵枚張子白若采尤

二娛維熊餞我於此今五載矣傷離感舊為賦此詞

君又南歸矣怪驪歌匆匆催發一行車騎撲面西風塵似霧吹冷離愁如水忽追憶五年前
事無定河邊垂柳下是羣仙送我勾留地分袂語尙能記 金尊重把銀缸底恁香醪今
宵都變酸辛滋味薄醉不成宵漏促鐙燄剔殘紅穗忍冷向橋闌同倚妒殺銀蟾圓似鏡恰
照人歸路明如此君知我斷魂未

前調

中秋夜與邵蘭風廣銓吳蘭園自求集錢謝庵吏部綠伽楠精舍酒紅欺面簾碧成水

回憶昔年彌慚今遇悵然成詞

又負團欒節問勞人為誰遣向天涯為客穗結寒鐙羞照影累爾欲雙不得更遙憶紅閨淒
絕約畧征衫親剪就定砧聲敲碎中庭月可怨著輪蹄鐵 華顏鏡裏驚非昔歎駒陰去
如電速未容人惜浪說烟雲曾供養彈指卅年陳迹今日作飄零風葉潦倒心懷誰解識把
金尊賸向常儀說須為我一絲缺

卜算子

吳山尊侍讀為錢小謝廷燧作秋窗聽雨圖小景屬題

風急帶秋來雲濕依山住涼入樓心逼夢醒添陣疎疎雨
紙上有秋聲似讀廬陵賦待
買生綃更乞君畫我林疏處

高陽臺

船山招同山尊蘭園蘭風小謝集寓齋餞胡香雨
出都填此志別並柬江南故人
風約萍開鶻催客去塵遮不住歸程好借深杯爲君一曠冬心圍鐙記曲拈紅豆有新愁帶
上歌唇歎勞生似鴈辛勤似葉飄零
行行漸覺江南近看柳縈車碧山繞船青回首長
安可還憶我零丁故人相見煩傳語道新愁較比深最關情莫任西風吹冷鷗盟

金縷曲

追弔黃仲則先生即題其悔存齋詞用集中贈汪劍潭韻先生至白門秋試每主余家

故詞中及之

天不容疎放召才人玉樓歸去白雲遙望畢竟笑他塵海窄難著修羅身量空付與窮途惆
悵留得傳鈔詩萬首有光芒不逐愁魂葬聲激烈氣排蕩
新詞更壓蘇辛上想當年悲
歌擊筑淒情情況宿荷茫茫何處覓只賸才名無恙可記否長干東巷一榻空山曾小住逞
豪吟題遍梅花帳輸猿鶴聞清響

洞仙歌

玉波生憶青溪影事作也春人已去冬心不溫離獸東南牽牛西北觸事成感偶倚此

詞

十年春夢怪鶯聲啼醒風絮迷濛漸無影奈眉心傳語被角分寒些子事難忘箇儂風韻

浮萍身世恨同世飄零底事天涯見無分吹斷鯉風紅葉如潮算不得秋人芳訊可認作私盟沒人知恐第一難瞞那時鴛枕

玉連環影

歡去夢也無尋處纔著思量滿院涼蛩語背屏山坐更闌添箇斷鴻聲逼短檠寒

壺中天

秋日憶故山

亂雅殘葉捲西風成陣作去成寒意又是題糕佳節近三徑欲歸無計袞受霜冰夢驚鐘短苦釀秋滋味茱萸插處故人曾憶儂未遙想楓葉燒霞芙蓉笑露紅遍家園裏冷落畫

樓闌十二誰向風前閒倚鶴怨猿愁柳憔悴都爲離人累鷗盟冷否天涯盼斷雙鯉

金縷曲

與蘭風話秦淮舊遊棹觸墜歡黯然得句

無恙清溪景任更番燒殘却火尙餘金粉一片春江花月在不放笙歌聲冷繫幾許畫船烟艇丁字簾衣侵曉捲有驚鴻影寫涼波靚風過處香成陣十年杜牧清狂甚向花叢筆

彈銀甲琴調玉軫艷福無多消受遍換得亂塵棲鬢生怕把舊遊重問不料風懷濃似爾也一般同抱漂蓬恨三生夢倩誰證

齊天樂

登陶然亭題壁

盤蛇逕在叢蘆裏小車屈曲尋去似錦丹楓如潮落葉作去弄秋深如許危闌試撫覺浣却

征衫幾分塵土遙指西山一痕青到舉杯處
當年曾此坐嘯歎重來不見詩伴吟侶僧
尙留賓事難證佛已算滄桑一度休辭起舞問鬢影依然舊時青否悟後心情不須聽暮鼓

買陂塘

蓉裳先生招赴極樂寺訪菊因雨不果賦此志感卽呈蓉裳索和

怪紅塵茫茫似海秋都無可尋處今朝有約參蓮社勝友先期招聚清夢苦早化蝶迷離繞
遍城西路偏他青女又一夜商量鎔霜銷露散作滿天雨
良期誤簷溜聲聲不住寒風
并作去淒楚料他老衲還相笑清福竟難分與君記否我也有園亭也有花如許未能歸去
却轉向天涯傍人籬落此恨泥誰訴

附前調

同法梧門謝香泉吳山尊極樂寺訪菊遲蘭邨不至填此奉柬

楊芳燦

叩招提四三吟伴襟懷蕭澹如許黃花半已移根去寂寞亂莎荒圃霜葉舞任紅到消魂
不是吳江樹鄉心漫苦只目送寥天閒雲過盡一碧洗秋雨
西風裏野色蒼涼無主
亭臺高下烟霧山僧留客餐香積共趁瓢堂齋鼓聽俊語道此度清遊惜少袁臨汝沿畦
小步又回首疎林依依暝翠雁背斷霞暮

金縷曲

寒夜憶故山

數到更三轉只窺簾一絲寒月似來相伴倚遍屏山燒盡燭不道夢如天遠又何處砧聲敲
斷絮被中宵親自疊歎半牀冰透無人管誰熨金猊暖
歡場事怕從頭算怪年時鞭絲

鬢影素衣塵染一片青山三畝竹幾處藥欄花檻更雜以玉簫金瑄苦爲浮名拋舍却便等閒讓與癡雲占仙去否閒雞犬

又

題永州司馬李文虎觀邦樊梅梁漁隱圖

展卷呼奇絕者溪山依稀夢裏記曾遊歷一樣樓臺低壓水一樣疎林延月更一樣胡麻留客不信先生眞到此借生綃寫出煙巒活渾似見舊相識 荆湘遠拄看山笏想閒情香尋沅芷歌諧湘瑟乞取鑑湖他日事安穩浮家泛宅相約換雨簑煙笠竿拂珊瑚雲送槳倚瓊簫吹破湖煙碧鷗盟在願同結

臨江仙

記得畫橋西畔路金鈴低吠雲根斷鐘敲月到柴門柳枝扶瘦影花霧醉春魂 飄瞥流

光同逝水紅窗夢去無痕錦衾抱得倩誰溫離離星影下無奈此黃昏

又

記得小喬初嫁了雲駢駕鶴歸時九雛釵壓兩鬢欹薄掠蟬翼鬢窄畫月稜眉 無意詢他夫婿事頰潮紅暈胭脂新來言笑太矜持不應裙帶上雙寫合歡詩

又

記得蘭期初七夜秋窗曾約春人癡雲圍住閣三層下梯嬌刻鞦韆避影巧遮燈 暝絮一團飛入抱輕盈碧玉腰身訴來別恨太零星薄羅衫一角曾爲拭紅冰

又

記得木蘭舟上坐彩鸞初識文簫篷窗溫酒話深宵一颿衝社雨雙槳劃春潮
涯成遠別怱怱十載萍飄歌聲怕聽水仙謠烟波天樣闊何處段家橋

又

記得春寒寒側側藥鑪曾伴雙文傳聞肺疾忌香熏麝珠容姊乞瓶卉許郎分
軻貪久坐等閒壓皺羅裙慵妝不整兩鬟雲偏忘纖指冷強爲數螺紋

又

記得畫闌紅壓水水邊一帶垂楊攜將冰簟坐迴廊波平同鑿影簾薄不遮香
腸涼似雪分來一盃瓊漿料無消息到王昌只愁瞞不得三十六鴛鴦

又

記得涼颿颿露葉長宵人擁微醒閒房曲曲掩銀屏吹鐙添月影擲笛和秋聲
猊初試暝不知斗柄西橫起來和夢下空庭欲歸還小立花底數寒星

又

記得圍鑪添獸炭却寒簾下重重折枝梅亞膽瓶紅一琴橫短榻人坐暝香中
來頻勸飲相偎剛近熏籠眼波遞與忒惺忪醉妝無氣力倚枕聽銅龍

又

記得討春尋昔昔門前春水初平十旬香夢苦分明簾開朝放燕簧脆夜調笙
前雙拜處常儀鑒取深情玉清淪謫又三生長眉聞入道不減舊時青

又

一自天

行近紗

忽地柔

被燕金

紅玉斟

密誓星

記得初晴鳩婦雨嬉春同上鸞車雙輪繞陌碾輕沙紫驢如解意宛轉避飛花
撲蝶會
闌殘照裏依依怕說還家生憎柳線趁風斜迴身招女伴拂亂鬢邊鴉

又

記得船迴邀笛步紅闌袖手凭時疎疎亭角晚風低吹開裙百蝶斜露玉雙螭
花下幾
番圓楚夢留將謎語迷離喫虛心細有誰知起常憎婢早睡每怨娘遲

又

記得歡場彈指別迢迢遠隔星河通辭未敢託微波感甄空有賦得寶怕聞歌
憔悴新
添潘鬢雪織愁難覓龍梭年時誰伴病維摩桃花和粥嚙心裏葬春多

金縷曲

芸暉書屋借錢謝庵吏部許八兼上舍景語及蓉裳蘭園小謝伯夔作消寒會送邵四

赴河間盛太守悼復幕

獵獵西風急捲燕臺酒徒都散似他霜葉難得沙擲今夕裏鐙影暝邀寒月偏又聽驪歌淒
咽莫怪當筵慵引滿有愁波冷沁杯成鐵聽漏箭四更徹
明知不是天涯別却何堪君
非歸去我猶爲客記取相思明夜夢莫向故山尋覓更珍重征途眠食聞說河間多姪女定
臙脂紅染生花筆書寄我墨休惜

洞仙歌

憶舊聯句各占一韻得二解

紅闌一曲倩萬花圍住通楊柳陰陰捲風絮錢延正曉寒浸夢淒綠成烟那用滴幾點斷腸

疎雨生楊變春魂扶不動約略尋來半在鶯聲最多處通 纖手擘雙柑味滿中邊笑不似
蓮房心苦延熒曾記說今宵月偏遲好准備籠燈送儂歸去變生

又

紗籠小小慣偷穿茉莉變生簪上釵梁颺香細延熒 愛桃笙如水涼浸梨雲零星語訴向蚊
雷聲裏通 織桂紅匳匝浴罷冰肌軟映窺簾月光膩變生 珊枕壓鬟絲夢影迷離怪醒
後惺忪難記延熒 恁正好新涼曉風時却貪整晨妝背人先起通

海天闊處

綠伽楠精舍同程春廬駕部同文 蓉裳謝庵蘭園小謝雲伯伯夔分題詠古得延春閣
是元順帝命三聖奴等演十八天魔舞處也

牙蠻戒冷千年璫樓玉宇知何處當時誰見法傳秘密教成歌舞小隊宮娥對騎金鳳飛橋
爭渡料皆番蓮掌聲諧清梵曾高遏行雲住 奏遍組鈴扇鼓早迷離燭團香霧明珠塔
納勻圓一串君王親付龍去闌空鶴歸松老劫灰飛聚問陰山毳帳可還容得衆天魔否

慶春宮

芙蓉山館消寒小集分題魏國夫人上馬圖

未醒春醒猶扶殘夢監奴催上金鞍鬆掠鬟雅欵簪釵鳳果然素面朝天捧來鸞鏡待照取
花鈿自安玉鞭慵接銀勒初調直恁懽懽 生綃留影蹁躑欲問當時行樂誰邊興慶遊
耶華清歸否可因看打毬還阿瞞顛顛只貪擁宮中玉環何曾解辦趨蜀匆匆一具香醺
金縷曲

闌干和蓉裳

紅逐回廊轉銷春人幾重香夢那容飛遠望裏珠簾長委地偏愛橫分一半把花影零星遮
斷誰放風箏無氣力慣偷將綵線深深綰修得到代嬌腕連環卅字雕來倩總勝他文
窗蜃甲竹籬麕眼撲蝶狸奴愁太甚曲曲記曾穿遍更搖落飛英鋪滿最是閒堵教界住又
無端青壓苔衣扁却不隔暮寒淺

百字令

蔣大治師

大鑄

招同藍凡石太守

嘉慶

程謫人中翰

元吉

張船山太史集雙槐禪院鬪

酒徵歌極一宵之樂填此紀事是屋爲余己未歲舊寓之地故詞中及之

春風有意把朋簪吹聚蔣家三徑一片癡雲圍四座薄醉未容旋醒巧謎藏鈎新聲擲笛俊
語關心聽熒熒佛火欵斜搖亂人影我是前度劉郎討春重到爪雪依稀認坐滿金貂

厨有酒絕勝當時清冷按譜徵花

治師新編日
下看花記成

垂簾隔夢漏怪今宵永登車笑指客星移近

東井

摸魚兒

蘭風以上證日復來京師集綠伽楠精舍時去謝庵委化日已匝月矣萍蓬重聚人琴

增感臨風酌酒悲而成詞

怪匆匆六旬別耳滄桑變幻如此通離亭三兩關心語那分緣終今世那廣君竟死通問碧

海紅塵更有誰知己廣銓魂兮歸未通聽子夜啼鳥虛堂竄鼠鉛淚落如水廣銓杯浮

蟻可尙能來一醉通欲呼君飲無計廣銓風吹遺挂翩翩動疑欲振衣而起通寒月底廣銓

把薤露歌殘心逐霜花碎

通

古懽永墜

廣餘

歎呂掩書墳楊歸元冢此恨幾時已

通

齊天樂

小謝以失怙喪偶灰心世事作西溪禪隱圖索題

傷心人沒埋愁地除非邀佛來謹一領方袍數聲清梵銷得幾多淒恨蒲團坐穩問舊夢三生那堪重省似雪蘆花可憐不抵客懷冷

憑誰畫此變相恐尙難繪出飛去雲影白社

人來紅羊劫過煩惱薪須焚盡鐘魚初靜好呪鉢生蓮磨甌成鏡莫遇摩登又思輕出定

虞美人

汪五鄴樓

度

見寄札中緘梅花兩朵云倉山香雪海中向北枝也感良友之多情傷春

光之將老旅懷悵觸爲倚此詞

開函忽覺香沾手兩點梅魂瘦謝他舊雨太關心教識故園春已者般深

赫蹄紙薄重

貂裘換酒

留別蓉裳先生

竟別公行矣記年時攀安提萬交羣拜紀香火靈山光不滅纔覺一經彈指早結就因緣三世公報先公知遇感今不才又感公知己徵佳話古誰比

勞勞負米來燕市歎飄零萍

蓬踪跡幸相依倚暑簟寒衣憐客窘刻意先爲料理更辦到歸程行李莫怪數行臨別淚趁東風彈向公懷裏須待我見時洗

又

靜夜呀然笑數家風掄才愧虎讀書慚豹丁字識來無一箇何啻邢家大道敢苦怨知音人
少那料見公纔半面早津津說項爲傾倒扶斥鷃上雲表 偶然唱出巴巫調更殷勤拈
毫覓和擘牋抄稿不似尋常標榜語別肯推襟送抱今判袂敬爲公告曲木終難大匠恐葉
龍羊鶴徒遭誚矜許意甚時報

滿江紅

河間道中先寄邵四

屢換行期笑歸計今番纔準早孤負故園花事幾番風信一紙初叨毛義檄二毛已上安仁
鬢記天涯有客盼征人兼程進 前期在臨歧訂前津近停車問借頰鱗充使爲通芳訊
風裏最難團落絮客中可怕添新恨待重逢煮酒話深宵君應肯

虞美人

單家橋小憩見杏花一枝紅亞牆缺

誰家繁杏開如許倦眼頻驚顧幾番欲折又逡巡要向天涯多賸幾枝春 疑顰似笑紅
千片猶映朝霞倩相看那得不思家又負鳳凰臺畔一邨花

滿庭芳

春事將完胡蝶懶楊花開瘦鯉魚肥遊子未成歸亡友錢謝庵吏部江南好詞中句也
車中偶憶及之時事略同生死異趣倚此攄懷

啜絮魚肥傷春蝶懶錢郎絕妙新詞酸心消息試問阿誰知一種飄零身世前生定縮就愁
絲誰能料理香葬玉宿草已離離 絲兒曾教取偷聲減字香染脣脂怪偏從客裏值此

良時識得東君心性幾曾因倦客歸遲彈清淚隨風飄處紅上小桃枝

高陽臺

車行遇雨

洗柳添青醜桃增豔東風織雨斜吹作去弄輕寒要教客裏人知打篷幾陣疎疎響儼吳船
背燭聽時試披帷撲面危峯冷翠沾衣漸看堤草微微潤壓驚沙不起雲腳低垂偶露
殘陽更添暝色淒迷前邨知有人家近認炊煙帶濕橫飛恁行遲瘦馬鈴鐺不耐鞭絲

清平樂

途中見楊花

楊枝低舞苦絆征輪住似欲填平遊子路吹散滿天香絮紅襟來往輕盈謝他燕子多情
情剪得東風斷處歸程一道分明

定風波

雨中見梨花盛開

暮靄迷離罩遠邨悵悵天黃欲黃昏樹底小門何處覓愁絕梨花濕盡雨中魂記得年
時薄月夜簾下玉人相並影難分苦爲傷春彈粉淚憔悴啼痕滿面正如君

謁金門

官道小憩

煙漠漠麥浪欲翻風穀遙聽隔林人叱犢短歌聲斷續一片癡雲低覆作去弄春陰薄
薄耐得輕寒眠正熟蝶魂黏草綠

虞美人

山行

危崖疊嶂疑無路野寺留人住春光到得此間難飛過柳絲幾片當花看
聲聲鷓鴣林
中喚歸思催零亂家山料也者般青爭奈遮人一五十長亭

點絳脣

桃源道中遊路旁廢園見桃花亞池半已零落偶拈此解

料峭寒輕纖雲閣雨春陰嫩小桃弄影浸入波心冷
轉盡危廊寂寂無人問風初定落
紅成陣飛貼闌干穩

買陂塘

息園納涼

傍青溪名園半畝叢篁青護三徑芳塘似月圍高閣借我分涼偏肯風乍定鋪一片紅魚影
繡波心靚闌干閒凭儘沈李浮瓜調冰雪藕分付熱腸冷
簾攏靜隨意桃笙鋪穩夢殘
涼貼珊枕柳絲著地輕篩日吹過荷香成陣無賴甚問蓮子誰拋打得鴛鴦醒晚煙欲暝倩
幾點星疎一痕月瘦來照夜深飲

玉胡蝶

九月望日感舊

零亂濕雲拖雨西風吹斷閣住林梢倒影殘陽染就半幅紅綃裏蟬聲一梳寒柳早驚秋瘦
了纖腰最無聊羊燈欲上又近長宵
迢迢負伊燕約空勞馳夢辛苦文簫春影迷離更

從何處覓藍橋便紅葉堪題恨字怕丹鱗不渡霜潮惹魂消去年明日今歲今朝

女冠子

黃蘗灘上影事關心白鷺洲邊春魂沈雨作歸舟纜月圖以志昔遊首借韋端已句

四月十七記得那年歸日泊舟時瘦影寒窺月長楊綠染眉

匆匆留鳳約冉冉過鶯期

試喚黃鸝問可曾知

虞美人

秋夜對月不寐有感

文窗六扇依然閉簾影涼垂地月光如水又三更轉盡迴廊少箇倚闌人

蘭因絮果分

明甚彈指憑誰問算來只有苦思量消得秋鉦二十五聲長

齊天樂

分明不是天涯別離心偏恁酸楚淚睫羞燈愁蛾染鏡誰畫露花風絮斷難留住却癡語更

番可能休去淒戀情懷花冠也覺怕催曙

今宵蓮籌閨也知明宵虬箭同倩誰數夢冷

兜衾臂寒替枕飄瞥怕成前度撥殘香炷問心似鑪灰者般温否莫化牽牛隔河貪獨處

闌干萬里心

一分春色一分愁對影徘徊對鏡羞料得妝成簾倦鈎怕凝眸風卷飛花欲上樓

高陽臺

題斜倚熏籠圖

雁足燈孤紙帳掩無聊又到黃昏被冷神絲料應不鎖梨雲星星偃近熏篝火戀餘香比

似郎溫忒膏騰有底思量直恁消魂
一襟幽怨無從說任枕鸞笑影衾鳳窺人盼斷花
冠沈沈已過宵分惺忪判守挑窗白待照他滿鏡愁痕可憐生誰惜鮫珠紅漬湘筠

虞美人

客夜有懷

濃霜拂檻寒於雪漏水聲聲咽癡留瘦影伴孤衾臨睡披衣強自剔殘燈

柔腸叵耐車

輪轉夢比天涯遠夢遙腸斷不堪憐只恐卿卿也是不成眠

高陽臺

冷冷清清淒淒切切更無人伴今宵一片秋聲西風吹出庭蕉商量且共離魂語奈離魂強
半先消好無慄病似文園愁勝文簫居然攔住懷人夢有金鋪疊疊銀漢迢迢只賸涼
蟾多情還照屏梢相思字沒雙魚寄怪霜風瘦了江潮恁蕭條如雨啼螿猶近窗寮

菩薩蠻

可憐九月初三夜月痕又到犀簾下沒箇卷簾人蛛絲網細塵
沈沈更漏永薄薄羅衾
冷只此惹魂消今宵第幾宵

虞美人

客衾殊薄閨人親爲裝緜倚此酬之

勻於飛絮明於練擘盡同功繭算來只是伴孤眠贏得兜羅緜手與裝緜
重重鋪就親
加線付與深宵暝但愁夢覺背寒鐙不分回身還抱半池冰

憶舊遊

題廖十三雲棧風雨懷人圖

怪聲喧鴛鴦燄閃銅荷寒逼長宵影斷天邊雁念舊遊何處雲水迢迢欲憑彩牋傳語魚信
冷秋潮問幾處閒齋誰家池館同恁無聊蓬飄甚時定便他日重逢鬢綠愁銷記取纏
絲意將一襟新恨寫上生綃竹梢漫吹殘滴添響入紅蕉恐蕭索何郎衾窩夢已天樣遙

摸魚兒

題曉山雪霽圖

是誰人晨曠未上衝寒親訪幽境芒鞋冷踏瓊田碎來伴水邊疎影林樾靜驚翠羽枝頭香
夢初醒烘晴日嫩愛霽色分嵐凍煙沈水清絕此時景披圖認彷彿吾家山徑樓臺高
亞巖頂琉璃四面圍香雪中有梨雲三頃余家琉璃世界外
植梅七百餘株寒意近待開到南枝朔吹催芳
信與君相訂試鶴氅同披餐英踐玉一石醉應肯

鵲橋仙

雪夜

剪水成花借風擗絮陰陰作去就愁天氣孤衾已覺夢難溫今宵又恁寒如此
剗襪閒

情畫燈影事料應一一思量起朝來珊枕濕紅冰雛鬢漫認胭脂洗

浣溪沙

鏡裏鸞鸞有淚痕枕邊夢蝶影初分春魂不暝倩香熏
烏骨簾遮花外路魚鱗鑰鎖月

中門略無消息又黃昏

行香子

怕到長宵又是長宵問何人來伴文簫燈搖影瘦心逐香焦奈夢成煙衾似水淚如潮
醒
也無聊睡也無聊盼花冠聲總迢迢淒清福分分與誰消耐霜一簾更五點燭三條

捧月樓詞卷二終